





詞林摘艷

南曲目錄

長樂郡  
振鐸西  
精卷之

壬集

聖明君過禹湯

盛世樂昇平

元宵景堪題

喜遇吉日

幽窻下沉吟半晌

團團皎皎

紫陌紅徑

思量你好辜恩

這悶懷和誰論


東野翠煙消

教人對景

三百六十先賢留下

花底黃鸝

羣芳綻錦鮮





日墜西

拜星月

已到西廂

夏日炎炎

春來麗日長

大江遊水

人皆畏夏日

情寄小詞中

自沉吟

爛熳春光

暗想嬌質

落夕昏鴉成陣

風月兩無功

謾折長亭柳

富春山子陵居

暗想當年

蕩起商風

池水泮乍煖

驚一葉墜井

朔風勁透幙

殘紅水上飄

夏日長薰風蕩

柳徑花溪

景無窮

河清海宴然

壽比南山

赤帝當權耀太虛

炎光榭

雨歇梅天

湖景盡難摹

和氣斗回杓

大明一統錦華夷

柳搖金天桃破蕊

花月滿春城

天氣暖如春

乾坤定民生遂養



暗思金屋

從別後正七夕

鸞凰同聘

因他消瘦

眠思夢想

瑞氣滿皇都

東風二月天

大火流西

人間物轉新

亞歲喜迎長

天上佳期

萬里無雲爽氣清

夏初天氣

膏雨初晴

朔風動四野

向池塘

梧桐一葉初凋

四海豐登

一從分散鸞儔

我和你天地分

鴈杳音稀

深深繡幕遮

黃菊綻東籬

玉宇澄清

落紅滿徑

漫漫瑞雪鋪

佳期重會

佳辰值晚秋

西園暮景

守香閨憶才郎

彤雲密布



詞林摘艷

壬集

雷青納襖

聖明君過禹湯。聖明君治道章。萬國來賓托賴着。

皇上。忠臣每保江山定。四方普天下皆仰望。遍乾坤文

化廣。文化廣。一齊的舞蹈揚塵。

萬歲山呼。都祝讚。

當今帝王。

風入松

大明朝一統靜封疆。



君賢明勝治堯唐。黃童白叟皆歡暢。軍民樂天下寧康。  
寰宇內稱臣讚揚。皆納土盡伏降。

一江風

讚

仁皇聖德寬洪量。萬萬里山河壯。用賢良。東蕩西除。北  
討南征。德化的民歸向吾。

皇感上蒼。吾

皇感上蒼。天心眷

聖皇。扶社稷忠良將。

江兒水

京國繁華之地。寰宇錦繡鄉。論金臺八景。天下無雙。  
萬方皆共仰。景物非常。四時遊賞。看萬仞居庸疊翠。  
出現禎祥。堪寫入錦雲圖畫上。

銷金帳

蘆溝曉月。萬里清輝朗。西山霽雪如玉粧。遙觀玉泉  
垂虹。迸水流千丈。遊人賞翫。賞翫詩吟道傍。瓊島春  
雲。瑞氣相飄蕩。風吹太液晴波滉漾。

鎖南枝



祥風蕩。化日長。金臺晚照燭四方。民物樂時康。梯航  
盡歸向。歌謳讚揚。剡雨飛門霧迷雲漲。則聽的處處  
歡娛。絃管聲嘹亮。捧玉觴。斟蔗漿。儘今生共歡暢。

尾聲

帝京鞏固山河壯。皆仰賴

聖明皇上。藝明香拜謝吾

皇。

畫眉序

盛世樂昇平。萬國衣冠仰荷

皇明。喜元宵節令普天交慶。遍六合感沐天恩。盡四海

皆歸王命。和

大明。一統家邦盛。巍巍萬國相承。

么篇

禁苑點花燈。綵結鰲山勝蓬瀛。見瑤天風淨萬里澄  
清。花燈燦萬賴珠璣。寶月照一輪金鏡。和

大明。一統家邦盛。巍巍萬國相承。

神仗兒

春滿鳳城喜慶新正。歡傳笑聲。此生人民何幸。照樓



臺銀花火樹上下相映。看社火盡施呈。聽絃管奏和  
鳴。

么篇

同賞

皇都上元景。值佳節應瑞徵。

聖德寬恩體配清冥。禁弛金吾任夜行。喜通宵遊勝境。

鬧樊樓

語笑歡聲貫喧市井。任銅壺促轉更。玉殿排宴請。

君臣同樂。萬萬年享太平。

滴滴金

乾坤四維清光映。普天下樂生成。闌闌一派音韻美。

奏笙歌徹玉京。餘音更清。見燈光影裏舞袖輕。笑近

富貴繁華內庭。

鬪雙鷄

正龍飛九五運當泰亨。保鴻基億萬治化大成。

聖皇謙恭剛正。忻當大有年。時逢美景。一任教瑤天銀

河瀉影。

雙聲疊韻



添清興。添清興。玳筵交相慶。開畫屏。開畫屏。沉醉拚  
醕酏。五穀登。四海寧。荷

聖明。願吾

皇萬壽。永祝遐齡。

尾聲

年年此日同歡慶。三五燈宵節令。日月光輝永大明。

畫眉序

元宵景堪題。畫堂深沉勝瑤池。奏笙歌一派韻美聲  
齊。畫燭映兩行神仙。蘭麝靄一簇珠履。和翡翠簾捲

香風細。人在水晶宮裏。

么篇

月華照庭榭。萬傾芙蓉湛秋水。夜迢迢一任畫角頻  
吹。沉醉藝古鼎龍涎。歡宴會玉簪珠履。和翡翠簾捲  
香風細。人在水晶宮裏。

神仗兒

元宵好景。點放花燈。雙雙慢行。牡丹。琉璃裘燈。弓鞋  
燈。慍慍點着果然三寸。頭上好箇木香棚。良夜好賽  
蓬瀛。



么篇

燈點頭上甚光景。做得事直恁般蠢。敢恁無知耻我。門庭弄許多寒酸。自相輕。怎不教人笑聲。

鬧樊樓

畫堂深沉繡簾半捲。麝蘭噴寶篆。羅綺香風軟。喧闐樂奏。奏聲清雅韻遠。

滴滴金

通宵懶把銀燭點。影照光瑤華筵。涓涓月色如秋水。更澄澄明月圓。明月正圓。似水輪碾出一洞天。洞天。

一境移來世間。

鬪雙鷄

我今夜忻逢正當上元。點花燈在頭上使人笑喧。我燈粧得奇妙。不須用蠟燭。只紙撚似移下一天星球。萬點。

雙聲疊韻

多風範。多風範。座列神仙眷。開玳筵。開玳筵。午夜難留戀。擁翠鬟。擁翠鬟。拚醉眠。拚醉眠。任銅壺漏轉盡。角聲傳。



尾聲

來朝廣設華筵宴。午夜風光疾如箭。準備踏青賽上元。

三十腔

喜遇吉日。長庚現綵雲縹緲。看廳前玉樹又生瑞草。座筵得蒙見招。聊以一彎翡翠尖兒巧。刺繡圈金底面小。願祝花貌。一雙兩好。百歲來同諧老。五百年前分定了。結會在今朝。琴堂此日華誕節。捧一盃添壽考。似玉樣潔。似花樣嬌。世之無瑕寶。洗兒華筵吉辰。

今朝余門喜氣淘淘。落索環子繫鮫綃。惟只願壽如山。福似海兩榮耀。玳筵歡聲不少。正西池王母乍離蓬島。茜衣仙子獻仙桃。他是駟馬夫人誥。鳳冠雲珮。玉人捧遶。金章紫綬。重回故道。斑衣共樂風光好。禮不周反仍激惱。據人情戒莫深較。喜遇官善政民無擾。願國泰雨順風調。玉麒麟果應熊羆兆。到得如今大喬何如。如小喬。增添襁褓。似光祖考。堪繼于門紫金貂。龜鶴呈祥戲亭沼。松柏連理有下稍。永生雙穗。鳳來朝。比翼似鸞鳳交。簾影花顛倒。歌韻聲繚繞。舞



徹楊柳小蠻腰。曲盡霓裳羽衣調。回首雲樣宮花落。  
畫堂深庭院杳。寶爐沉煙香正裊。捲上繡幙朱簾從。  
他燕子來巢。覲面絳色天樞似燒最好。見蝴蝶一對  
對飛遶。俄逢吉席對花朝。和琴瑟樂笙簫。放下懷開  
口笑。拚却酩酊金樽倒。從教紅杏枝頭鬧。富貴長得  
似三春。休教杜宇聲先報。

尾聲

香不斷。芍花不老。福如東海壽彌高。盡老齊眉共歡  
樂。

繡帶兒

幽窻下沉吟半晌。追思俏的嬌娘。娉婷處不若似鶯  
鶯。妖嬈處可比雙雙。

宜春令

非獎。最堪誇他那性格兒溫柔。難描他那諸餘停當。  
說不盡風流可喜萬般模樣。

降黃隆

想當想當。我在月下花前。吐膽傾心把誓盟深講。行  
思坐想。望盡老今世同效鸞凰。



醉太平

誰想。默然平地浪波生。信知道任從天降。霧迷雲障。被博摩歐苦打折開鴛帳。

浣溪沙

情慘慼。添悒快。閣不住淚珠汪汪。勞神役志鎮端詳。尋思那人情怎忘。設計施方要見他。除非是夢兒裏來到我行。

啄木兒

憐香倚玉相偎傍。尤雲殢雨笙歌唱。被數聲疎雨敲

窻。散高堂春心蕩漾。

鮑老催

此情怎忘。羅衣尚存蘭麝香。鸞箋仗托紙半張。人何在。慢嘆息。空惆悵。惱得潘郎兩鬢霜。

下山虎

咱這里因。因他那里狂蕩。他因咱痛感傷。幾番欲待。不思量。欲待要不思量。別後怎做的鐵打的心腸。

雙聲子

江淹悶。韓生忿。怎比的咱家悶。千般恨。纔離了心上。



又早來。蹙在眉尖。天還愛憐。便咫尺相見。又且何妨。  
尾聲

情人早得同鴛帳。免使我心勞意穰。蕤明香答謝  
上蒼。

絳都春

團團皎皎。見冰輪晃然。初離海嶠。仔細思量。怎不教  
人長不老。月過十五。光明少。怎負我青春年少。滿懷  
心事。一春怨恨。有誰知道。

出隊子

是我幽幽。居在古寺。景荒涼。人靜悄。晝長無柰。夜迢  
迢。都只爲兩般兒。教人心下轉焦。怕則怕鐘送黃昏  
雞報曉。

鬧樊樓

孤身先自添煩惱。夜永淒涼。眼前難熬。見老樹啼烏  
遶野寺。孤猿叫。鴛鴦畔。滴溜溜。敗葉兒飄響。瑤瑤。玦  
玦。瑤風鈴兒鬪聒噪。

滴滴金

窻前皓月偏來照。便做鐵石人也瘦了。悶懨懨。怎生



眠一覺。恨悠悠。空懊惱。離情悄悄。悶恹恹。怎生捱到曉。此生怎逃。撲簌簌。淚拋。

畫眉序

欲成。範鳳鸞交。甚物將人夢驚覺。是誰家別院。故把琴調。方纔待絃續鸞膠。誰想道風吹別調。靜聽句意十分妙。風光霽月。逍遙。

啄木兒

絃中正。指下高。是餘音太古雅噪。拍托勾剔打抹挑。泛聲韻法度好。輕如點水蜻蜓繞。鬧如夜宿烏鴉噪。

小澗涓輪音吟揉。似仙音鶴鳴九臯。

三段子

夜深靜悄。此曲中有才調。指法更好。此琴中果奇妙。伊家怎曉。高山流水知音少。怎附與相如知道。使文君春心蕩了。

雙聲疊韻

聽別院。聽別院。漏聲漸香。香風霽。香風霽。楚雲縵。縵。告天告天。天還知道。願逢冰上人。月下老。早教我一雙雙。團圓到老。



下小樓

駕車駕車。嬌姿來到。似嫦娥下九霄。單人福分怎生  
消。閑把瑤琴一操。異日須會題橋。

耍鮑老

夫人小玉都睡了。莫辜負好良宵。望天外月如洗。庭  
砌邊花陰遶。韶華半老。雙徑小。蹊花繡草。樓閣侵雲  
表。風清月皎。山隱隱水迢迢。閑把湖山靠。羅襪鞋弓  
小。雲鬟亂金鳳翹。慢行休囉咷。只恐怕外人瞧。

尾聲

潜踪躡足行來到。切莫使夫人知道。天與的榮華富  
貴到老。

香遍滿

紫陌紅徑。丹青妙手難畫成。觸目繁華如鋪蜀錦。料  
應是春負我。我非是辜負春。為着心上人。對景越添  
悶。

東歐令

花零亂。柳成陰。正是蝶困蜂迷。鶯倦吟。方纔眼靜心  
兒裏。忘了想。啾啾唧唧呢喃燕。重將宿恨宿恨又題



醒撲撲。簌簌淚珠暗傾。

四團花

悄悄的庭院深。默默的情掛心。涼亭水閣果是堪宜。宴飲不見我這情人。和誰兩箇開樽。把絲絃再整。將琵琶自撥。是奴欲寬悶情。爭只倦聽。

東歐令

榴如火。蹙紅巾。有焰無烟燒碎我心。懷羞向前欲待折一朵。觸觸捻捻不堪戴。怕奴家花貌不似舊時容。害的我伶伶。仃仃懶宜簪。

梧桐樹

梧葉兒飄。金風動。漸漸害這相思落入在深深窈。一日一夜長難捱。孤枕懶上危樓望情人。未必多情與奴家心相應。知他在那里那里貪歡戀飲。

東歐令

菊花綻。桂花零。如今露冷風寒秋意漸深。驀聽的窻外幾聲孤飛鴈。嘹嘹嚶嚶如人訴。最嫌花下砌畔小蛩吟。咕咕聒聒惱碎奴心。

浣溪沙



風漸急。寒威凜。害相思。最恐怕黃昏。沒情沒緒對孤  
燈。窻兒眼數交。還在輪。畫角悠悠聲透耳。一聲聲。哽  
噎難聽。愁來把酒強重斟。酒入在悶懷。珠淚傾。

東歐令

長噓氣。兩三聲。斜倚定圍屏。思量着那一箇人。一心  
待指望。夢兒裏。畧畧的重相見。浙浙簌簌雪兒下。風  
吹的。簷馬把我夢。鬼驚。玎玎璫璫。惱碎奴心。

尾聲

盼情人牽掛心。朝思暮想珠淚傾。盼殺多才不見影。

伊州三台令

思量你好辜恩。便忘了誓盟。遇花朝月夕良辰。好教  
我虛度了青春。悶恹恹把欄杆凭倚。凝望他怎生全  
無箇音信。幾回自忖。多應是我分薄緣輕。

黃鶯兒

誰想有這一程。減香肌。憔悴損。鏡鸞塵鎖無心整。脂  
粉懶勻。花枝懶簪。空教我黛眉。感損春山恨。最難禁。  
誰樓上畫角吹。徹斷腸聲。

集賢賓



幽窻靜悄月又明。恨獨倚圍屏。驀聽的孤鴻樓外鳴。  
把離愁又還題醒。更長漏水。早不覺燈昏香盡。眠未  
成。他那里睡得安穩。

雙聲疊韻

思量起。思量起。怎不上心。無人處。無人處。淚珠暗傾。  
我怨他。我怨他。說他不盡。誰知道你先走滾。自恨我  
當初不合認真。

簇御林

人都道。人都道。他志誠。却原來。厮調引。眼睜睜。心口

不相應。山誓海盟。說假道真。險些兒。為他錯害相思  
病。負心人。看伊家。做作。如何有前程。

琥珀猫兒

日踈日遠。和你再相逢。枉了我癡心兒。空奈等。想巫  
山雲雨。夢難成。薄情滿拚今生。和你鳳拆鸞分。

尾聲

冤家下得忒薄倖。割捨的將人孤另。那日里。恩情畚  
成。做畫餅。

恨更長



詞林  
南曲  
這悶懷和說論。長嘆數聲。良夜迢迢更長漏永。幾回  
夢裏成春姻。難捱這苦淚。湔湔。喫盡了多勞頓。鴈無  
音魚斷沉。好教我便終朝愁悶轉增。

啄木兒

教人恨。恨那人。把關山阻隔音信。生怕黃昏愁怎禁。  
獨自箇受岑寂。尋思斷魂。儀容瘦減。只爲您恩情俏  
似鹽落井。便下得將人孤另。晝忘食。看看病沉。

鮑老兒

夜長枕冷。羅幃展轉燈半明。教人怎不憶那人。愁只  
聽聽更長人寂靜。相看美貌情正深。默忽兩下鸞鳳  
分。憶着他空成疾病。

尾聲

姻緣好似一春夢。惟有相思說不盡。每夜燒香禱告  
神。

好事近

東野翠烟消。喜遇芳天晴曉。惜花心性。春來起得偏  
早。教人採取。問東君肯與春多少。見丫鬟笑語回言。  
道昨夜海棠開了。



千秋歲

杏花稍。間着梨花雪。一點點。梅豆青小。流水橋邊。我只聽得賣花聲。聲頻叫。鞦韆外。行人到我。我只聽的粉牆內。佳人歡笑笑。笑道春光好。我把花籃兒。旋簇食壘高挑。

越恁好

鬧花深處。滴溜溜的酒旗招。牡丹亭左側。尋女伴。鬪百草。翠巍巍的柳條。忒楞楞。曉鶯兒。飛過樹梢。撲簌簌。亂橫舞。翩翩粉蝶。飛過畫橋。一年景。四季中。惟有春光好。向花前。暢飲月下歡笑。

紅繡鞋

聽一派鳳管鸞簫。見一簇翠圍珠繞。捧玉樽酒頻倒。歌金縷。舞六么。任明月上花稍。任明月上花稍。

尾聲

從教酩酊眠芳草。高把銀燭花下燒。韶光易老。休把春光虛度了。

瓦盆兒

教人對景無言。終日減芳容。恨蹙破翠眉峯。未知道



他垂楊何處繫青驄。不想他近鶯花冷淡了芙蓉。空教我為他時終朝悶轉增。好教我越添了疾病。枉了我行時思坐時想成孤另。我罵你箇薄倖無前程。

泣榴花

相思終日有十二箇悶時辰。空目斷楚臺雲。見寒鴉聲裏報黃昏。香消誰焚。被冷誰溫。行思坐忖。料同交寡宿孤辰運。一身愁兩下裏停分。不恁的怎生安頓。

喜漁燈

幾番欲把金錢問。恐無定準。今春病不減前春。多一

半為君。為君好事縈方寸。東風掃春夢勞魂。因循看。看瘦損。比梅花消瘦幾分。

尾聲

重占卜頻問神。暗想當初思舊情。好似楊花水上萍。

梁州序

三百六十先賢留下箇中一路難摸。暮逢敵手。作者怎施謀畧。一任教他沿邊點視。引入門來。也便與他單關却。怕他衝開打斷要奪角。我路強。於他路弱。失形勢。怎收縛。



梁州序

前言虛諾。後期難托。箇中一子伸脚。從他有眼。也遭我在暗中敲打。琴裏曾經寂寞。今夜在碁邊。我便也要還一着。早早斜飛。免致受逼綽。局面離披。拈甚麼。一子悞滿盤錯。

梁州序

聽語言皆不如昨。莫不是他假撒。嗔將咱十分僣落。寫新詩特地赴汝盟約。汝可吾須不可。秉燭顏叔料想你也應難學。鑽穴踰牆。賢者有其樂。洞門依然有

鎖鑰。龍門上且一躍。

梁州序

你既讀孔聖之書。必達取周公禮樂。早回身免致兩相擔閣。孟母曹娥太剋剝。將人戲譁。迤逗的他相思病方纔下妙藥。

尾聲

是你當初先許諾。到此如何悔却。免致參差兩下惡。

夜行船序

花底黃鸝。聽聲聲一似喚人遊戲。東風裏玉勒雕鞍



爭馳佳時。日暖風和。偏稱對景尋芳。拾翠遙指。隱隱杏花村。深處酒旗搖拽。

夜行船

迤邐。曲徑芳堤。競香塵不斷。往來羅綺。亭臺上繫管。繁絃聲齊。雙飛蝶。舞花枝。鶯轉上林。魚遊春水。芳菲點檢。萬花中。昨夜海棠開未。

鬪寶蟾

堪題。綠柳陰中。見鞦韆高掛。綵繩飛起。是誰家仕女。雙蹴嬉戲。相宜。奇花映粉腮。輕風蕩袖衣。動情的。正

是遊人。牆外笑聲。牆裏。

鬪寶蟾

聽起。春色三分。怕一分塵土。二分流水。向花前共樂。莫負良時。歌妓低低唱小詞。雙雙舞柘枝。可人意。聞竹桃花相映。小橋流水。

錦衣香

芳草池魚遊戲。翠柳堤人遊戲。只見仕女遊人。幕天席地。高挑一架。鬧竿兒。深深步入杏塢。桃溪對良辰美景。想蓬萊也只如是。休把閑愁記。且拚沉醉。光陰



迅速。人生能幾。

漿水令

正相同尋芳未已。柰紅輪已覺墜西。海棠枝上子規啼。聲聲是他喚的春歸。花陰下人似蟻。花藤轎兒雕鞍騎。相隨趁相隨。趁風流最奇。拚沉醉。拚沉醉。醉扶歸。

尾聲

今宵共約同歡會。先教從人歸去。安排辦了筵席。

字字錦

羣芳綻錦鮮。香逐東風軟。鶯黃轉巧聲。題起傷春怨。觀名園。杏障桃屏。桃屏上映着柳眉翠。鈿天天。桃花暗約恰似去年。因何去年去年人不見。和空感破兩眉翠。尖柰柰山長水遠。他在那里。和誰兩箇歡歡喜喜。咱這里思思想想。尋尋覓覓。欲待見他一面。

么篇

梅黃雨霽天。漸覺南薰轉。聲聲噪柳蟬。對對飛梁燕。盼庭前。照眼葵榴。葵榴上映着紅燄似燃。難言。鴛鴦並頭着人可憐。教咱共誰共誰同歡宴。和空感破兩



眉翠尖。柰山長水遠。他在那里。和誰兩箇歡歡喜。咱這里思思想想。尋尋覓覓。欲待見他一面。

賺

離緒懨懨。柰少箇人兒在眼前。空嗟怨。不知何日再團圓。淚漣漣。極目關山隔霧前。寫下花箋誰與傳。心事無告托。冤家直恁悞人方便。怎生消遣。

滿園春

南樓外。鴈翩翩。悄沒箇信音傳。長空敗葉飄飄舞。金風動。鐵馬兒聲喧。紗窗外透銀蟾。和想殺人也天。盼

殺人也天。短命冤家。短命冤家。音稀信杳。莫不是悞約盟言。

么篇

彤雲布朔風起。遍長空柳花飄綿。幾朵早梅開放。藥銷金帳。共誰兩箇歡宴。獨自箇守爐邊。和想殺人也天。盼殺人也天。短命冤家。短命冤家。音稀信杳。莫不是悞約盟言。

尾聲

終須有日重相見。相見後依然歡宴。辦炷明香謝天。



美中美

日墜西。人漸稀。深林裏却又早遠觀歸鴉兒。又飛村  
莊裏却又早半掩了柴扉。犬兒聲聲吠起。我則見這  
野叟樵夫他那裏携斧回。牧童跨犢簇簇歸。遠望  
月上得這山頭也。教我行步又催。山深無柰樹烟盡  
迷。在這程途裏。百種恓惶却教我怎受持。

下山虎

歸來莫問看他分說。害得我伶仃瘦。你心似鐵。只教  
他跪到殘更柳稍上月。管教他曲膝上須見血。剛待  
忍暫時歇。整整思量了五六箇月。女伴每啞不敢說。  
待把金錢問卜。又恐漏泄。

尾聲

晚殘霞。遙天霽。孤村野店掩柴扉。數點歸鴉雲外飛。

二郎神慢

拜星月。寶鼎內明香滿爇。只願我拋閃下男兒疾較  
些。得再覩。共枕同悅。我這裏悄悄的輕將他衣袂拽。  
却不道小鬼頭春心動也。那嬌怯無言俛首。紅滿腮  
頰。



鶯囀過林春

我這裏亂掩胡遮事。到如今漏泄。姊妹心腸非間別。夫妻事莫不有些週折。教我難推怎阻。我一星星對伊仔細從頭說。他姓蔣名世隆。中都路是家。是我男兒受儒業。

鶯囀過林春

聽說罷姓名和家鄉。那情苦意切。悶海愁山在我心上。撇不由人淚珠流血。教我恓惶是正理。你只不合此愁休對愁人說。你啼哭是為何因由。莫非你是我

兒夫舊妻妾。

鶯囀過林春

他須是瑞蓮的親兄。爲軍馬間別。散失忙尋相應者。那時節只爭一箇字兒差別。比着先前和你又親。我和你自今姊妹着疼熱。你休隨着我的根脚。久已後但願做我兒夫那枝葉。

鶯囀過林春

我須是你的妹妹。又是姑姑。你須是我的尊嫂。又是姐姐。未審家兄和你因甚別。兩分離是何時節。正是



寒冬冷月。都只爲狼爹爹折散在招商舍。思量起痛  
苦心酸。那其間染病耽疾。是我兒夫教我怎割捨。

### 四犯黃鶯兒

他只恁太情切。你十分忒軟怯。眼睜睜怎忍相拋撇。  
你枉自怨嗟。我無計可設。當不過他搶來推去望前  
拽。意似虺蛇性如蝎螫。一言如何訴說。

### 四犯黃鶯兒

流水也似馬和車。傾刻間途路賒。他在窮途困旅交  
誰貼。囊篋又竭。藥餌又缺。他那里悶懣懣難捱如年

夜寶鏡重磨寶簪。拈折。何日重逢再接。

### 尾聲

自從別後信音絕。這些時鬼警夢怯。莫不是煩惱憂  
愁將盡也。

### 聚八仙

巴到西廂。將咱厮候落。教人埋怨到今。其時潛過墻  
肩。荒唐錯認做了定盤星。寂莫羞歸何忍。想詩中葢  
那箇機倖。全不省琴中意。甚內情。把咱厮調引。使咱  
憔悴損。自迷做了箇無情鬼。我便落那箇得甚。我便



到冥冥中好。及攀下您。問春花。有那曾辜負東君。

物芝蔴

崎嶇去路賒。見疊疊幾簇人煙。風景佳。遣人停駐馬。  
扁舟一葉。丹青圖畫。一抹翠雲掛。遠霧罩汀沙。見白鷺數行飛。見人來也。驚起入蘆花。小舟釣艇。收綸入浦。弄笛相和。動人萬般淒楚。離情怎躲。偶覩前村水。遶人家。畫橋風颭。酒旗斜。好買三盃。消遣倦煩。西山日漸沉。此際當不過。暑氣炎。宜趲步早去。尋安下。將相閉柴門。牧童歸草舍。古寺鐘敲數聲。野水無人渡。

尾聲

綠楊影裏新月掛。孤村酒館兩三家。借宿今宵一覺呵。

畫錦堂

夏日炎炎。執手話別。空幃簟枕清幽。爍石流金。酷暑惱人時候。清晝好向河朔排宴飲。暗思昔日碧筒酒。分鴛偶。今夜向草廬中。孤幃兩情獨守。

畫錦堂

欣有。照眼葵榴。萱草弄金。沿堦上細草新抽。君往園



中須是小心看守。耽憂。倘若失落甘背打。恐怕娘意不濟流。分鴛鴦。今夜向草廬中。孤幃兩情獨守。

紅林禽

凝眸。覩鴛鴦戲水。波紋皺。雙飛鬪。看應笑我。今宵折散鳳友鸞儔。母約束。怎敢道遲留。看柰子休得要落後。剛帶酒。拚飲着五盞三盃。和哄離愁。

醉翁子

聽剖爲母親我功名懶求。他日裏名字穩覆金甌。休憂錦衣學取斑衣承舞袖。得志後。管取向新築沙堤。

步入龍樓。

尾聲

園中作別應不久。等一月兩旬時候。絃斷了再整重修。

金落索

春來麗日長。漸覺和風蕩。欲記臨行爛熳桃花放。倏忽柳絮飛過了。炎光金井梧飄。即漸涼。相將半載分離去。却怎生音信全無。紙半張。傷情處。嘹嘹歷歷鴈兒過。南廂聽一聲聲。淒淒涼涼。恹恹惶惶。哎天天也。



愁瑣在我這眉尖上。

香歸羅袖

金爐香冷。銀缸燈盡。離人怕到黃昏。又早黃昏光景。  
怨孤眠鳳幃。愁歆鴛枕。欲圖一覺。捱他寒更。陽臺爭  
柰夢難成。更有相思令。心歸門裏。放秋上心。問道思  
量甚。我便只思量着那箇人。

皂羅袍

閑步瑤堦。停望見。遊蜂蝶。嚷往來。爭狂。猛然一陣感  
淒涼。情懷越慘。添悲愴。不知何日。重見粉郎。終朝思

念。何時象床。盡今生。美滿芙蓉帳。

尾聲

睡不安。魂飄蕩。鴛鴦若得結成雙。免使教人空自想。

念奴嬌

大江逝水。悠悠萬頃。茫茫東去。不息浪。汲汀沙。則是  
淘盡了。千古風流人物。聞說都道。西邊鬼鬼。赤壁故  
城石。疊舊三國。人何在。山高月小。水落石出。

燈月交輝

昨宵夢覺。聽門外。玳珠洒。漸覺無聲墜。萬家對良辰



愁瑣在我這眉尖上。

香歸羅袖

金爐香冷。銀缸燈盡。離人怕到黃昏。又早黃昏光景。  
怨孤眠鳳幃。愁歆鴛枕。欲圖一覺。捱他寒更。陽臺爭  
柰夢難成。更有相思令。心歸門裏。放秋上心。問道思  
量甚。我便只思量着那箇人。

皂羅袍

閑步瑤堦。停望見遊蜂蝶。嚙往來爭狂。猛然一陣感  
淒涼。情懷越慘。添悲愴。未知何日。重見粉郎。終朝思  
念。何時象床。盡今生美滿芙蓉帳。

尾聲

睡不安。魂飄蕩。鴛鴦若得結成雙。免使教人空自想。

念奴嬌

大江逝水。悠悠萬頃。茫茫東去不息。浪汲汀沙。則是  
淘盡了千古風流人物。聞說都道西邊。鬼鬼赤壁。故  
城石疊。舊三國。人何在。山高月小。水落石出。

燈月交輝

昨宵夢覺。聽門外玳珠洒。漸覺無聲墜。萬家對良辰。



爭似我曉來時推起窗紗。歡笑處說些情話。休歸去。那雪兒揚揚正下。那雪兒揚揚正下。

喜梧桐

冬景佳。堪圖畫。遍滿長空瑞雪紛紛下。都向煖閣紅爐泛流霞。一色瓊瑤萬樹林稍掛。踏雪沽酒添高價。

尾聲

樓臺粉砌迷鴛瓦。聽撒撒更敲窻打。美酒羊羔勝飲茶。

一封書

人皆畏夏日。我愛炎天暑氣嘉。凝眸處可誇。笋成竿。葵破萼。雲聳奇峯千萬朵。榴簇紅巾三四花。亂蟬鳴。雨繞過。青草池塘處處蛙。心無事。誰似我。時觀雙燕舞。舞簾幕。和涼亭上。伊共我。相對相勸泛流霞。

皂羅袍

轉眼荏苒節屆。柰清和天色。暑氣不覺得。高歌處且高歌。良辰美景休辜負。蘭堂初試。共纏彩索。菖蒲角黍。吾共宴酌。不妨選摘枝頭果。和涼亭上。伊共我。相對相勸泛流霞。



勝葫蘆

驀地香來甚處花。薰風蕩池荷。我則見戲水鴛鴦成  
交頸。來來往往驚起遊魚兒。泛碧波。堪觀處。臨水閣。  
採蓮人和採蓮歌。和涼亭上。伊共我。相斟相勸。泛  
流霞。

樂安神

晚來浴罷。臨風對月。輕撥琵琶。佳人應笑。隔窻紗。時  
復暗裏傳情話。報道今宵好。涼似夜來多。趁取于飛  
樂。花前醉。酒味佳。樽前何用攪風車。和涼亭上。伊

共我相斟相勸。泛流霞。

尾聲

笑同入紗幮。臥風軒水閣。且蹉跎。玉骨冰肌。事事可。

侍香金童

情寄小詞中。人立西廂下。盼不到巫山楚峽。則這能  
對付紅娘。迤逗咱。因相思。害殺了嬌娃。鴈呀呀。對月  
窻紗。一弄兒。淒涼沒亂殺。寒更正。撒曉鷄啼罷。戍樓  
中。畫角品梅花。

傳言玉女



張生病久。漸昏鴛偶。金榜無名。青霄路有。送陽關滿  
斟着別酒。未飲淚先流。厭此離別。願相守。拋撇下西  
廂吟詠。女嬌羞。相思病兩邊。迤逗。奴懷憂悶。爾懷愁。  
乍離別。折盡郵亭柳。自從他去後。兩淚凝眸。改盡容  
顏。怎禁憔悴。

月裏嫦娥

淒楚情懷。好教我珠淚盈腮。離情鎮日愁深。似海。幾  
時能勾兩處和諧。從他去後。經多載。誰承望。地久天  
長。只恁的放狂乖。歡娛相見。想着他淚滿香腮。

尾聲

前生少欠相思債。但只願同歡相愛。且把眉兒展放  
開。

佳人捧玉盤

自沉吟。別來久矣無信音。想着他便淚盈盈。陽關送  
別話說叮嚀。他說道是無半月。便回程。倒做了風裏  
楊花水上萍。只恁的輕狂性。把這情書摺。怎成孤幃  
教我愁怎禁。都做了蝴蝶夢。

天仙子



水調數聲持酒聽。午醉醒來愁未醒。送春春去幾時回。臨晚鏡。傷流影。往事後期空記省。沙上並禽池上暝。雲破月來花弄影。重重翠幕遮燈。風不定。人初靜。明日落紅映滿徑。

金錢花

曾記臨行。虔心亦亦盃柰等。思前事。各辦志誠。更長漏永夜沉沉。

尾聲

只恐西風送秋聲。梧桐敗葉涼夜冷。唧唧蛩音不暫

停。

望吾鄉

爛熳春光粧成錦繡鄉。嬉遊綺陌人來往。覩他時鶯燕迷花柳。聽簫鼓鳴街巷。三春景。宜共賞。休負了名園上。

傍粧臺

晝初長。我只見。卸泥雙飛來往。見這燕兒忙。高柳咽蟬聲細。堆角黍慶端陽。見十里湖光景。菡萏花開放。三伏景。宜共賞。休負了涼亭上。



解三醒

起金風透簾珠幌。井梧飄露華淒爽。庭前桂子香飄蕩。正風雨近重陽。羞把黃花亂插。端的是勾引西風入鬢傍。三秋景宜共賞。休負了龍山上。

調角兒序

野梅開橋邊水傍。凍雲垂雪花飄蕩。望江湖飛禽隱蔽。看青山萬層疊障。慶佳祥。低低唱。泛霞觴。畫堂謾設銷金帳。三冬景宜共賞。休負了歌樓上。

尾聲

凍雲垂雪花蕩。裁冰剪雪獻禎祥。萬里瓊瑤似玉粧。

春雲怨

暗想嬌質。使卑人淚垂。教我埋怨誰。他把這山盟曾設。海誓頻題。誰承望他倒有了別的。想當初只爲你。教我廢寢忘食。到如今悔後遲。自思只恁般忘恩義。青天湛湛難欺。

三春柳

尋思最怕黃昏雨。我這里獨守香閨。只怕銅壺玉漏滴。漫凝的珠淚垂。傷情處。直恁般悞我千般喬樣勢。



你便下的忘恩義。但願早早教人如魚似水。

醉羅歌

畫閣畫閣燈挑盡。翠被半擁夢難成。暗想當年成眷  
姻。玉貌多丰韻。塵蒙鸞鏡也。只爲您寒生鴛枕也。只  
爲您離愁萬種縈方寸。年華暮。只到今。折梅獨寄隴  
頭人。

尾聲

轉思量情難忍。顛鸞倒鳳謾勞神。自恨當初忒認真。

山坡裏羊

落夕昏鴉成陣。竹籬茅舍人靜。馬蹄兒跔蹬轉過  
轉過黃花徑。旅况增。情懷有四星。烏靴緊貼緊貼葵  
花鐙。舉轡加鞭不暫停。多行一程又一程。逡巡長亭  
共短亭。

水紅花

兀良一黛遠山青。晚風輕。長天人靜。我則見這呀呀  
寒鴈叫了兩三聲。蓼花汀。黃蘆相映。向這白蘋洲畔。  
一點打魚燈。碧澹澹半籠明也囉。

皂羅袍



趙行天色將暝。見雲迷遠岫。暮景偏增。敗葉飄飄舞。  
風輕。驚飛宿鳥。棲不定。風清月朗。情懷怎禁。馬遲行  
慢。情懷惱人。藍關怎不教人雲橫嶺。

尾聲

恰黃昏人初靜。遙天暮晚。遠山晴。萬里江圖任定醒。  
好事近

風月兩無功。枉把心事牢籠。巫山雲雨。一去杳然無  
踪。隨風耐向樓頭更鼓。聽沉罷尚兀自又打三鼓。寂  
寞更長漏水。便做歡娛。夜短却共誰同。

錦纏道

信難通。阻隔着雲山萬重。感破兩眉峯。黯消魂無情  
無緒。對着一盞孤燈。有愁來全仗着酒哄。愁依舊醒  
時還同。昏鼓又晨鐘。韶光荏苒。歸期尚未逢。怕染潘  
郎鬢。被他依舊笑春風。

普天樂

減芳容。愁越重。閑却了描金鳳。雕簷外鐵馬玎琫。窗  
兒外絮聒聒的寒蛩。砧聲又攻。又聽賓鴻鴈聲聒噪  
長空。



古輪臺

恨無窮。西風瀟索助愁容。別來許久無音信。着我寒衣難送。寄與伊家。又恐怕迷却芳叢。悞我佳期。好天涼夜。欲將心事問孤鴻。想當日初共翠被寒時。復香溫。釵橫金鳳鬢。鬆寶髻。蛾眉懶畫。別後苦匆匆。思前事。教人心下意冲冲。

尾聲

瀟瀟敗葉敲窗響。漸覺涼生一夜風。辦一炷明香。答上穹。

月兒高

謾折長亭柳。情濃怕分手。欲上雕鞍去。扯住羅衫袖。問道歸期。端的是甚時候。盟言未卜。未卜鮫綃透。唱徹陽關慵斟美酒。酒除非是你消愁。我只怕午醉方醒。情懷又依舊。

桂枝香

金纓疊翠。金粟粧墜。花頭兒最小香多。從有蓀蘭芝蕙。休誇素馨。并諸茉莉。江梅荷芰。此花占魁。膽瓶中。微微浸。清香暗暗知。



玉包肚

香飄金砌。喚了鬟輕將步移。把花頭暗藏。在深處。香散綺羅珠翠。可惜西風蕩空枝。花好何曾結果子。

調角兒序

好花枝何曾結果子。盼情人那裏着迷。近新來不聞箇信息。空教我守定孤幃。記當初言盟誓。望于飛。鴛衾永效鸞凰。配音不見。信少知。一旦成拋棄。

尾聲

和別人甜如蜜。教奴獨自受孤恹。有日相逢自問你。

錦亭樂

富春山子陵居。家傍在釣臺。流水遶孤村。映垂楊。柴門半開。有時節。戴箬笠。掛羊裘。手執絲竿。紅蓼白蘋洲畔。明月清風爲伴。把春山當畫看。垂釣釣魚無限清閑。

錦亭樂

釣魚灣。繫偏舟。蓬窗半拴。風雨不相干。晚天涼日卸。在半山。提一箇酒葫蘆。步斜楊。綠柳花間。有酒常時來賣。我把魚兒來換。笑忻忻的。且放歡。一輪明月常



照嚴灘。

錦亭樂

謝

皇恩。詔書來不須用開。只爲感

皇恩。懶龍門朝禁闕在身。在世間細尋思。入朝班穿紫  
羅襪。看他爲官爲宦。似虎狼爲伴。吉凶事掌上翻。  
龍顏怒時無計遮攔。

錦亭樂

虎頭牌。夜將軍鐵甲過關。宰相每五更寒。爭如我埋

名在世間。看他每積金珠戀虛名。到底成難。我且逍  
遙散袒。有酒三盃五盞。在漁村裏且放歡。山妻稚子  
早晚團圓。

尾聲

醺醺醉了都不管。三公不換此茅菴。萬古留名宇宙  
間。

步步嬌

暗想當年。羅帕上把新詩曾寫。偷縮下鴛鴦結。他那  
心猿乖意馬劣。都將他那軟玉嬌香嫩枝柔葉。琴瑟



正和諧。不覺的花影轉過梧桐月。

沉醉東風

一團嬌冰肌困歇。半含羞粉容輕貼。微笑對人悄說。休忘了今夜等閑間。將海棠偷折。山盟共設。不許片時暫歇。若有一箇負心的。着他隨燈便滅。

忒忒令

他慙慙將春心露泄。我風流寸心終拙。因此上楚雲深鎖。巫山缺。休得後期暫別。烟山截湘江。隔斷魚音鴈帖。

好姐姐

自別逢時。遇節。冷淡了風花雪月。奈柔腸萬結。怎禁窻外鐵。無休歇。好一似珮環。搖明月。又被西風將錦帳揭。

桃紅菊

渭城人肌膚瘦怯。楚天秋應難並疊。停隔了畫眉郎京尹。補填了東陽嶺。滿缺。

園林好

也傷我連枝帶葉。致令得狂風浪蝶。炒鬧起歌臺舞



樹回首處楚雲遮。堪嘆處彩雲賒。

川撥棹

成吳越。怎禁被人鬪跌。平白的送暖偷寒。猛可裏撇  
唇。遞舌。水晶丸不住撇。點鋼鋏一味撇。

錦衣香

他將那楚館焚。秦樓拽。洛浦填。涇河截。梅家莊水確  
湯瓶打爲磁屑。賈冲宅守定粉墻缺。武陵溪間花兒  
釘了椿。撇楚襄王夢驚。漢相如趕番車車。深鎖芙蓉  
缺。紫簫吹裂。碧桃花下鳳凰將翎毛生扯。

漿水令

響璫璫菱花碎。跌支楞爭餘絃斷絕。忔支支同心帶  
扯。玳瑁寶簪斷折。採蓮人偏把並頭折。比目魚就  
池中冷水燒熱。連枝樹生坎折。打撈起御水流紅葉。  
藍橋下翻滾滾波浪捲雪。祆神廟焰騰騰火走金蛇。  
尾聲

饒君使盡機謀設。止不過負心的薄劣。夢兒裏見他  
分說。

繡停針



蕩起商飈。金井梧桐葉漸凋。幾番雨過涼天到。迤邐  
把扇兒慵搖。頓覺的紗幮裏似水。風流處可喜娘妖  
嬈。耳邊低道。今宵好。今宵純扇且停搖。涼似昨夜多  
少。

### 祝英臺

畫堂深。人靜悄。秋意景偏好。風送暗香。丹桂芬芳。先  
占沁園秋早。開了。此時莫惜千金花前歡笑。賞心樂  
事。須拚沉醉醕醕。

### 望歌兒

天然。枝枝朵朵堪畫描。此花有百媚千嬌。不減蟾光  
好。四出玲瓏。花神恁般施巧。是則是花頭兒須恁般  
小。更有許多香得好。

### 鬪寶蟾

折取向膽瓶安排了。香滿庭軒。恍若身在蓬島。皓齒  
纖腰。那更歌舞勸香醪。多嬌撚花枝時。嗅微笑。笑  
道勝似茉莉。賽過茶蘼。香似沉腦。

### 四般宜

攢攢簇簇縷金銷。枝枝葉葉綴瓊瑤。點點滴滴顏色



兒好。瀟瀟灑灑恁情高。香徑裏紅圍翠繞。那堪更玉軟香嬌。月兒照。越恁好。佳人應笑嫦娥空老。

### 山馬客

玉露金風是他的故交。况良宵有約玳筵可邀。如花貌。逞妖嬈。問道奴嬌花貌嬌。人月鬪嬌。料想丹青怎描。怎消得才人下筆詠朝。

### 憶多嬌

花又好。月又皎。惜花人愛月眠遲起早。暮暮朝朝不離花貌。賞足花心。任教殘英墜了。

### 江神子

且莫教兒童掃。滿斟一任玉山倒。醉顏花下眠芳草。贏得滿身蘭麝異香飄。丰韻好。

### 尾聲

觀花愛月人年少。但對酒當歌歡笑。月夕花朝休教錯過了。

### 一封書

池水泮乍暖。小梅枝春尚殘。東風正峭軟。受餘寒。簾半捲。菜簇青絲。煩纖手。勝剪金花媚綺筵。花燈正懸。



酒盃慢傳。燈列星橋。酒似泉。盃深勸。歌謾演。燈球低  
轉舞腰旋。魚初躍。鶯乍轉。半晴半雨。養花天。

皂羅袍

望裏誰家庭院。向亂紅深處。送出鞦韆。綵繩高掛。綠  
楊煙。金蓮顛倒空中見。王孫墻外。暫停錦鞦。佳人墻  
內。雙凭玉肩。無情半晌空留戀。逢歡處。衣笑典。一春  
長費買花錢。駢珠翠。雜管絃。玉樓人醉杏花天。

勝葫蘆

寶馬青衫。裊玉鞭。花枝重帽。簷偏十里湖堤。平似掌。  
草茵青展。留與遊人醉時眠。斜陽下。歸路遠。銅鞮齊  
唱馬頭前。尋春事。到水邊。樓船人坐鏡中天。

樂安神

蝶愁蜂怨。東皇容易老。盡芳妍。落花臺榭。有啼鶯輕  
風巷陌。飛鷓燕。一刻休虛度。秉燭向西園。醉後重開  
宴。詩頻詠。髭笑撚。清狂俱是飲中仙。春歸去。最可憐。  
楊花榆莢自漫天。

尾聲

試霜毫臨端硯。好吟詩句記流年。覓取鷺溪十丈箋。



一封書

驚一葉墜井。陡覺新涼夜半生。歌珊枕夢醒。碧紗幘  
暑氣清。灑面荷香綃袂爽。雲鬢參差釵玉橫。下空庭。  
露華零。唧唧寒蛩草砌鳴。和蕭條意。遲暮景。這般幽  
怨幾曾經。

皂羅袍

笑語西樓相應。看穿針乞巧坐待天明。蛛絲瓜果謾  
爭能。寧知巧拙天分定。牽牛織女。迢迢兩星。銀河一  
水。悠悠兩情。嫦娥誰與憐孤另。花陰下。款款行。戲拈

羅扇打飛螢。和蕭條意。遲暮景。這般幽怨幾曾經。

勝葫蘆

絳蠟秋光冷畫屏。剛吹斷紫鸞笙。怕見梧桐雙瘦影。  
無端孤月又在梧桐缺處明。吳山翠。楚樹青。天涯望  
斷幾長亭。和蕭條意。遲暮景。這般幽怨幾曾經。

樂安神

愁人厭聽西風。一片搗練砧聲。試將郎意比浮萍。萍  
踪穩似郎心性。欲把寒衣寄。無限別離情。遠道誰堪  
倩。風和雨。不肯晴。紛紛落葉滿江城。和蕭條意。遲暮



景。這般幽怨幾曾經。

尾聲

強支持厭漸病。晚來閑把小闌凭。欲折黃花力不勝。  
一封書

朔風勁透幙。布被嚴寒曉漸加。彤雲布四匝。玉琮瑋  
鳴萬瓦。幾點沾衣輕忽舉。成陣漫天橫。又斜遍天涯。  
淨無瑕。頃刻園林盡是花。銀葩亂。玉蘂雜。素鸞白鶴  
舞交加。和門深閉。盃笑把。肯將樂事讓豪家。

皂羅袍

柳絮才高誰和。倚西樓日晚野興偏多。魚翁獨釣擁  
寒蓑。千山那有飛禽過。未知來歲麥熟幾何。問渠農  
事。遺蝗有麼。宜時且把豐年賀。醒而醉。一任我絕勝  
錦帳宴笙歌。和門深閉。盃笑把。肯將樂事讓豪家。

勝葫蘆

狂解鷄裘付酒家。酒盡後喚重賒。滿地瓊瑤未經掃。  
莫教踏碎石鼎呼童。謾煎茶。冰誰剪。鹽亂撒。銀盃逐  
馬帶隨車。和門深閉。盃笑把。肯將樂事讓豪家。

樂安神



凍驢須跨。南枝梅信。泄漏年華。溪橋村路。景偏佳。豈  
惟江上堪圖畫。散漫飄僧舍。詩句詠無差。還密把歌  
樓灑。疑眸處。多半霎。光搖銀海。眩生花。和門深閉。盃  
笑把。肯將樂事讓豪家。

尾聲

日高時。還疆卧。閑中歲月暗消磨。寄語高軒莫見過。

金索掛梧桐

殘紅水上飄。青杏枝頭小。燕子來時。綠水在人家。遶  
天涯。何處無芳草。墻裏鞦韆聽得墻外行人道。墻外

行人聽得墻裏佳人笑。正是多情却被無情惱。

東甌令

桃花落。柳絮飄。麗日和風天氣好。鞦韆蹴罷。閑行樂。  
重整羞花貌。闌堂開宴。列笙簫。慶佳節。樂醕醕。

皂羅袍

此景不寒不燠。見千紅萬紫。巧筆難描。紫燕黃鶯。語  
聲嬌。雙雙粉蝶。花間遶。閑行遊。踏青鬪草。香車寶  
馬。不辭路遙。盡今生賞翫。同歡樂。

尾聲



寶爐中沉煙裊。歌聲鼎沸透清宵。翫賞遊春直到老。  
恨更長。

夏日長薰風蕩。蘭舟畫舫。避暑涼亭歡娛宴賞。柳陰  
樹底傳盃弄盞。菖蒲角黍泛瓊漿。聽鼉鼓聲嘹亮。度  
龍舟波蕩漾。十里風飄菡萏香。

啄木兒

雕梁上乳燕雙。聽蟬聲共噪斜陽。紈扇頻搖枕簟涼。  
我這里見鷗鷺。翠蓋底藏榴花噴火似錦囊。椒觴白  
酒齊歌唱。避兵符斜簪玉項。慶端陽偏宜晝長。

鮑老兒

洞天畫堂。金釵翠袖列兩行。慙慙滿捧持玉觴。笙歌  
奏奏管絃齊聲唱。亭臺畫閣間綠窻。蓬萊閭苑從天  
降。更勝似人間天上。

尾聲

一年好景人皆望。堪觀處高層疊障。快樂歡娛答  
上蒼。

香遍滿

柳徑花溪。梅稍褪粉麗日遲。桃杏芬芳蜂媒蝶使。樹



拖烟籠綠柳。柳花綿片片飛。為咱思念伊。恐怕春又歸。

東甌令

花容貌。柳顰眉。雲鬢堆鴉。溫柔旖旎。方纔款步。我這金蓮浸羅襪。冷騰騰。困困嬌無力。雕欄曲檻。遊蜂粉蝶。飛婷婷。娉娉欲緩遲。

四團花

懶懶愁盡眉。看看身漸羸。情書欲寫無憑寄。不見才郎何時歸。至把欄杆遍倚。將花頭倦折。鶯聲嘒嘒芳

心自知。

東甌令

薰風至。火雲飛。則見那萱草葵榴。初綻藥。炎天酷暑。渾無寐。迷迷悶悶醒如醉。自憐月下月下影兒隨。忙忙快快。懶入羅幃。

梧桐樹

淚暗垂。添憔悴。漸漸得這腰肢。掩過裙兒。在。一聲一聲。塞鴈塞鴈。傷淚滴。遠望雲山。信杳音稀。未知多情把奴山盟記。莫待要再求再求。新親配美。



東歐令

梧桐葉晚風吹。則這無限的離情。我便分付與誰。聽的堦下數聲寒蛩叫。撲撲簌簌紅葉兒墜。碧天寒鴈聽了感傷悲。淒淒涼涼越添病疾。

浣溪沙

雪片飛寒風起。悶懨懨自守孤幃。薄衾寒侵透香肌。盼情人阻隔何日歸。戍樓悠悠三弄品。氣絲絲廢寐忘食。鸞牋錦字訴與別離。痛傷情淚痕湮透濕。

東歐令

朔風緊凍雲垂。靈雀兒簷間喳喳的來報喜。不承望今夜畫堂裏剛剛的重完會。雙雙共入羅幃裏。歡娛無柰被這曉鷄啼。咕咕聒聒好夢驚回。

尾聲

想才郎難相會。關山遙遠幾時回。眼望天涯身化灰。

一江風

景無窮。宜賞翫堪題詠。寶殿裏香風送。勝天宮。檜栢森森。疊錦層層賽過蓬萊洞。山河地勢雄。樓臺瑞靄蒙。



萬歲山侵雲聳。

東歐令

啣呢燕。採花蜂。度柳穿花芳樹叢。奇花異果開千種。  
香馥馥。臨光瑩。開懷暢飲樂歡容。暗香拂翠簾櫳。

針線箱

微影影花遮翠擁。明明朗瑤臺十二重。黎庶每謳歌  
鼓腹齊歡誦。遍乾坤讚祝

蒼穹。但願得龍孫

聖子常珍重。但願得永固山河

帝業隆。排儀從。居民樂業賀歲稔年豐。

尾聲

九重開千官擁。山河一統錦疆封。地久天長國祚永。

金絡索

河清海宴然。甘露降靈芝現。方物皈依。因此上開文  
選。

皇圖鞏固基永綿綿。航海梯山朝帝輦。瓊樓玉宇堪稱  
羨。因此上扶立

當今聖世全。風雲會。河出圖處處湧甘泉。聽齊臻臻玳



瑁筵前。笙歌闐闐。讚

當今皆慶賀昇平宴。

香歸羅袖

氤氳香靄。龍樓金殿。端的是錦繡城池。真乃是蓬萊

仙院。擁

皇都帝京。擁

皇都帝京。蠻夷朝獻。千邦納土。至心堅。強文壯武。宰臣  
賢。修理文經傳。干戈併息。滅狼烟。寶殿香風細。珠樓  
接禁苑。

皂羅袍

列綺羅笙歌相間。擺玳瑁食品果木時鮮。寶爐香細  
麝龍涎。羣仙隊里三星現。雲幢繡蓋。陳設兩邊。珠圍  
翠繞。全開玳筵。風雲慶會金鑾殿。

尾聲

武精忠文直諫。賢臣股肱仰  
天顏。永保皇圖億萬年。

春雲怨

壽比南山。願福如東海。則見南極到來。看了這玉爐



香裊福祿下瑤階。斟玉液美酒安排。衆羣仙駕祥雲  
五彩。慙慙玉女執金臺。動仙音儘教放懷。快哉好似  
天宮界。尊前擺列金釵。

三春柳

風清月朗雲霧靄。更勝似閨苑蓬萊。百味珍饈筵宴  
排。勝瑤池別樣格。珠簾外。寶殿內瑞氣金光降五色。  
翡翠樓神仙界。御河試看金蓮並蒂開。

醉羅歌

看了這景堪人愛。瓊島春陰照金臺。疊翠居庸一似

錦繡排。翫霽雪西山白。薊門飛雨。勝跡見在。秋風太  
液。勝跡見在。蘆溝曉月。遙天外。山明秀。千萬載。玉泉  
垂虹照金臺。

尾聲

感

皇恩乾坤大。遐齡萬道慶雲開。願祝吾  
皇萬萬載。

鴈過聲

赤帝當權耀太虛。無半點南來薰風意。任吞冰嚼雪



成何濟。扇頻揮。汗如珠。空徹損玉骨冰肌。移身傍翠微。使兒童撼竹求風至。煩熱也得却片時。

### 風淘沙

閑倚雕欄日漸西。看鴛鴦戲漣漪。不覺夜涼生衣袂。見萍開月破水。金波影轉。翠擎葉裏。臉籠霞暈妖嬈。並頭蓮蒂。芳心可惜不解語。為誰恁疑竚。

### 風淘沙

爐爇沉烟香院宇。瀟灑處精神爽。情意舒。簪茉莉賦新詩。此景有誰知。何須設枕簟共紗幮。

### 一撮棹

清宵短。樽前好傳盃。白晝永。酷暑怎當敵。願得譙樓上。銅壺漏休催。三兩盞。何妨夜眠遲。

### 尾聲

銀河動。玉露滴。且向南窻少憇。明夜裏納涼又這里。二郎神

炎光榭。漸浙浙金風動也。瑩素練銀河。渾似瀉。長空萬里。寂然雲漢。瀟灑爽氣。豁淒情絕點瑕。稱開懷傳盃弄筆。願天上人間。占得歡娛。年年今夜。



詞林  
南曲  
五十三  
刮古今

七夕遇令節。女宿牛星歡會也。相慶處人間天上。况此情怎盡說。今夜共歡悅。相別又堪月。又缺重逢相見。將這彩樓結。只聽得鵲噪叫啞啞。

黃鶯兒

深夜浸沉沉。觀天河白似銀。正雙星牛女傳芳信。金蓮步輕。月下志誠好。向彩樓高處。慙慙問。意虔誠。瞻星拜月。乞巧共穿針。

尾聲

年年此夜同歡慶。相會處今宵節令。金井梧飄玉露冷。

賀新郎

雨歇梅天。感紅巾海榴如火。聽湖中數聲鼉鼓。還憶着。舊日三閭楚大夫。解獨醒名傳萬古。破雪藕沉冰果。細砌菖蒲泛玉。開尊俎。歡宴也慶重午。

賀新郎

乳燕雙雙語。雕梁對人如訴。採蓮舟棹入在西湖。奪標處。浪滾雪花上下舞。看兩兩龍舟競渡。插艾虎懸



珠符繫百索帶。綰同心縷。百歲裏鎮歡娛。

節節高

雙雙畫漿輕。戲連漪。荷花蕩裏同一醉。真得趣。選半  
開折一朵。碎柔花瓣。打獨自箇。休得心上生疾妬。鷗  
鷺雙雙點萍蕪。一鈎新月照荷花浦。

尾聲

醺醺共入紗幮卧。簾紋如水勝冰壺。人間快活到大  
福。

畫眉序

湖景畫難摹。天巧誰能逞。豪素。羨名誇兩浙。勢壓三  
吳。縹緲見雲氣相連。斷續有嵐光能補。豈無富貴繁  
華處。那有此中佳趣。

畫眉序

畫舫最寬舒。日有遊人載歌舞。映長堤翠柳淺水紅  
蕖。就船買魚笋芳鮮。隔岸送鶯花媚嫵。四衢不礙登  
山路。車馬任他來去。

畫眉序

人物盛文儒。世代傳留好名譽。有鄴侯李泌處士林



逋。香山老風月襟懷。東坡叟文章肺腑也。須多得湖  
山助。不往後人傾慕。

畫眉序

宋室此曾都。鳳舞龍飛應難度。嘆息時行在此日荒  
墟。五國城滿目蒼烟。萬松嶺傷心黃土。笑渠興廢難  
逃數。枉自處爭雄據。

神仗兒

傷今慨古。傷今慨古。一成和議。竟失廟謨。自損擎天  
玉柱。可惜神州不復。使人悽楚。但淚洒岳王墓。

神仗兒

徘徊看取。徘徊看取。層巒疊嶂。各獻畫圖。變幻陰晴  
朝暮。隱隱六橋環繞。鴈汀鷗渚。更何地認蓬壺。

滴溜子

靈隱寺淨慈寺梵王戒宇。石屋洞棲霞洞高士隱居。  
到此頓消塵慮。躋攀未可休。再穿徑塢。布襪青鞵。豈  
憚去途。

滴溜子

南高峯北高峯。斷霞千縷。上天竺下天竺。桎木萬株。



巒景還宜進步。分明人世中埋沒洞府。回首南屏轉  
覺路迂。

雙聲子

閑酌和閑酌。和前輩春行句。休感傷。休感傷。舊日冬  
青樹。人已歡。人已歡。鳥更呼。鳥更呼。愛如簧舌弄混  
人笑語。

雙聲子

疑眸覩。疑眸覩。暝色浮尊俎。側耳聽。側耳聽。遠浦鳴  
簫鼓。日漸晡。日漸晡。興未孤。興未孤。更無妨待月片

時延佇。

尾聲

此湖此賞。休輕負。好會合。詩朋酒侶。擬准重來作地  
主。

好事近

和氣斗回杓。積雪迎春初消。日行東陸。雨潤土脉如  
膏。堪宜宴賞。任乘車跨馬踏芳草。見遊人遍滿東郊。  
幸際遇萬方熙皞。

泣顏回



天長春風與淑氣上花稍。正麗日景豐饒。我則見這  
分飛來往燕營巢。殘梅未落。綠柳躡長條。東風嫋嫋。  
趁鶯歌蝶舞堪歡笑。嬌滴滴萬紫千紅。喜孜孜滿泛  
香醪。

千秋歲

泛香醪。向這名園嬉戲賞。翫艷杏天桃。絃管樓臺。我  
則聽得是處歡聲繚繞。街衢上遊人道。幸生逢着  
聖明主昇平之兆。四海民無擾。盡今生暢飲沉醉醕醕。

古輪臺

舞飄飄。柳花綿紛紛亂落。酒興助詩豪。最難描尋芳  
拾翠綠嫩紅嬌。好青春休教負了。青春去甚日重遭。  
春無價。宴崇餚。携壺載酒。龍笛間鳳簫。歡賞真佳樂。  
際清平盛世賽唐堯。

越恁好

幕天席地。密匝匝擺列着。聽黃鸝紫燕。現睨語鬪聲  
巧。被春風料峭。見招飈酒旗。墻外搖。遇良辰美景笑。  
吟吟往來踏青鬪草。欣遇着臣宰賢。感謝吾  
皇有道。太平年罷戰兩順風調。



紅繡鞋

官清正民省差徭。

聖恩寬大開學校。遇佳辰值良宵。荷

帝主過湯堯。攝萬國盡來朝。攝萬國盡來朝。

尾聲

名香滿藝沉烟裊。祝願吾

皇聖壽高。花朝月夕。四季無過春光好。

山桃紅

大明一統錦華夷。萬國來朝會也。八方進奉拜

丹墀。正遇着豐年太平日。百姓每樂雍熙。麥雙岐。鳳來  
儀穀雙穗也。黎民堪羨產靈芝。路不拾遺。

紅納襖

太平年皆慶喜。賽堯年過舜日。普天下風和路不拾  
遺。遍乾坤宇宙禾稼齊。千邦朝

帝基。萬國來進禮。來進禮。丹墀列左右羣臣。高呼着  
萬萬歲。

憶多嬌

拜紫微。賀



聖德。周圍兩行排着錦衣。寶殿筵開珍饈百味。樂動仙音。果然是聲清韻美。

耍厮兒

動仙音。齊聲韻美。有鳳笙象板龍笛。金縷紫簫音韻齊。香裊篆紫金猊。堪宜。

聖藥王

進御食。動樂器。列宮商左右捧金盃。錦繡堆。掌扇圍。似蓬萊仙苑勝瑤池。拜

聖壽福天齊。

尾聲

朱樓寶殿香風細。列綺羅珍饈奇異。堪註在丹青圖畫裏。

忒忒令

柳搖金天桃破蘂。鬧花粉蝶雙飛。千紅萬紫春光百媚。忽聽的曉鶯啼。尋芳拾翠。杏花天玉樓人醉。金勒馬嘶。遊人似蟻。只聽得這柳陰中笙歌沸起。

伍供養

春光正美。悄不覺得暑氣相催。使兒童頻撼竹。猶兀



自火雲飛向涼亭水閣。正可宜浮瓜沉李。散髮搖紈扇。斟綠醴。翠蓋輕分遊魚戲水。

### 江兒水

又早三秋至。塞鴈飛。牛星女宿重相會。只聽得搗砧聲聒得鄉心碎。最淒涼。堦下寒蛩唧。桂子香飄拂。鼻葉落丹楓。滿目黃花鋪地。

### 川撥棹

朔風起。布彤雲。飄玉梅。獻禎祥。堪賞堪題。韓退之藍關路迷。子猷船訪戴。歸。子猷船訪戴。歸。

### 川撥棹

孟浩然尋梅達澗溪。見高低上下飛。半空中密灑歌樓。遍世界銀粧粉砌。向紅爐煖帳裏。向紅爐煖帳裏。

### 尾聲

裁冰剪雪禎祥瑞。飲羊羔共同歡會。端的是翠繞珠圍。

### 畫眉序

花月滿春城。燈火輝煌。月華明。看人間幻出閨苑蓬瀛。花燈燦表裏冰壺。明月好團團金鏡。

和



帝京正值元宵令。歌謠五谷豐登。

畫眉序

簫鼓動春聲。綵結鰲山謾施呈。有雲鬟翠袖。嬈娜娉婷。人叢裏素手相携。燈影下香肩相並。和  
帝京正值元宵令。歌謠五谷豐登。

神仗兒

良辰美景。良辰美景。燈月千門。煙花萬井。彩樓朱樓相稱。有鬧竿百尺倒掛絨繩。高點起萬枝燈。似落下滿天星。

神仗兒

燈兒有名。燈兒有名。下下高高。齊齊整整。一盞牡丹。羣花簇定。更芙蓉齒。舊碧桃紅杏。金蓮沼水澄澄。琉璃塔焰騰騰。

滴溜子

梅花燈。梅花燈。暗香踈影。雪花燈。雪花燈。玉潔冰清。繡球燈。同心方勝。流蘇落索垂。撒花蓋頂。桀閣重樓。千層萬層。

滴溜子



魚龍燈。魚龍燈影動畫屏。觀音燈。觀音燈。柳枝淨瓶。巧粧。諸佛諸聖。光明火焰中。神通太逞。三教百工行。行等等。

鮑老催

日華月精。金鷄玉兔裁剪成。雲霄望處鐘鼓鳴。燈花爛。燈影斜。燈光映。圓燈宛轉方燈正。畫燈五彩紗燈淨。火傘兒紅油柄。

鮑老催

虎燈象燈。鴛燈鷺燈。都象生。蝦燈蟹燈。都象形。羅綺

叢。錦繡圍。笙歌競。佳人繡轂穿芳徑。王孫寶馬敲金鐙。堪寫入丹青燈。

雙聲子

人歡慶。人歡慶。預把佳期定。酒謾行。酒謾行。擺列華筵盛。奏錦箏。奏錦箏。和鳳笙。和鳳笙。任醺醺。那管夜闌人靜。

雙聲子

宜時令。宜時令。巧剪金花勝。煙靄輕。煙靄輕。香裊黃金鼎。碧漢傾。碧漢傾。斗柄橫。斗柄橫。任醺醺。那管夜



闌人靜。

尾聲

盤桓且盡今宵興。托賴着吾

皇明聖。歲歲年年賀太平。

好事近

天氣煖如春。東風似轉柴門。牆頭紅杏。朝來已破三分。吟魂醉魄。誤年光。陟訝芳菲近。待携壺慶賞佳辰。郊原外。那有游人。

么篇

俄聞歌管在東隣。何堪舊隱倦客孤身。年時蹀躞。軟紅十里香塵。無言自哂。對玄冥。錯把東皇認。嘆山居冷落青尊。笑豪家。醉倒紅裙。

普天樂

撚吟髭。搔吟鬢。細賡和逋仙韻。雖然是無雪無梅。紙窻明那有纖塵。寒威悄無。愛銀屏燭彩斗帳爐薰。

古輪臺

恠天孫。不將伎巧付滕神。浩然枉自騎驢去。梅花無信。瘦聳雙肩。歷遍幽壑荒村。點檢水壺。幾宵不凍。布



衾何必倩人温。更且新筍佳醞。忘情三五知音。圍爐  
談論。消除閑悶。盡日到黄昏。虛簷外先自湧水輪。

尾聲

無眠坐數更籌盡。恐有山陰乘興人。分付兒童莫閉  
門。

十樣錦

乾坤定民生遂養。梯山航海來王。先正務。禮樂宣明。  
應天心大整綱常。

宜春令

皆仰。續鴻圖正大光明。遵成法萬年興旺。重儒道有  
蕭曹房杜子弼吾

皇。

降黃隆

無荒無荒。盱食宵衣。寅畏嚴恭。把這聖學進講。堯謨  
舜典章。孝傳慈闈。道繼文王。

醉太平

永享。萬年畿甸勝磐石。枕居庸京師屏嶂。太河南樣。  
在滄溟淵淵右擁大行。



浣溪沙

望帝闕。如天上。罩鳳城。瑞靄洋洋。端居九五鎮千邦。  
天生聖人化萬方。風雨時。年年歲登。皆因是  
聖明。主治道彰。

啄木兒

捧盈執玉朝廷上。仁文義武無偏向。威福兼開擴封  
疆。罷刀鎗。人民樂康。

鮑老催

我皇禹湯。漢高大度。久對當。周文兢業。惟畏惶。思創  
業。謹守成。絕逸放。感應天庭。屢兆祥。

下山虎

景星明。慶雲飄蕩。騶虞現。甘露灑。錦獅玄兔自外邦。  
鳳凰與麒麟。雙至。紫芝瑤草生光。

雙聲子

風俗厚。彛倫正。固根本。儲皇立。千千秋。同心奉養。輔  
當今。端拱垂衣。佳時宴樂。便朝朝對景。遊賞何妨。

尾聲

大明一統山河壯。遍道路謳歌擊壤。蓋寰宇祝賀



聖皇

山桃紅

暗思金屋配合春嬌。是那一點花星照也。向這歡娛中深埋了。禍根苗。我一從見了那箇妖嬈。他便和咱燕鶯期。鳳鸞交。鴛鴦侶。只引的蜂蝶兒鬧也。恨不的折損柔條。誰承望五陵人。可早先能勾了。小蠻腰。

下山虎

向這芙蓉錦帳配合春嬌。說不盡忔憎。有萬般小巧。割拾了葉損枝殘。蕊開瓣凋。早一樹煙華春事了。

是咱思筭少。又被傍人一覓里攪。

二犯鬪寶蟾

猛可里祆神廟頓然火燒。嶮把藍橋水滄倒。計痛喋低低道。你休得爲我愁煩。因我煎熬多。嬌。猶兀自恐咱憔悴。潘安容貌。越着我氣冲牛斗。恨填滄海。怒鎖霞霄。

恨薄情

爲恩情傷懷抱。追遊宴賞情分少。朱顏鏡裏添老。書齊靜悄。不敢展文公家教。但只是磨香翰。挽兔毫。纔



下筆了。便寫出風情翰林舊藁。

### 四般宜

織錦字寄英豪。焚金鼎謝青霄。端詳了雲翰墨。越着我恨難熬。全不寫雲期雨約。但只訴玉減香消。他道我風流性如竹搖。忔登迅在咱心上。默地拴牢。

### 怨東君

他那里紅粧殘頓。忘了楚嬌。咱這里青衫濕漸成沈腰。他那里血淚搵鮫綃。咱這里行里坐里五魂縹緲。耽煩受惱。是咱離多會少。莫不是普天下相思病我

共他占了。

### 江頭送別

腌臢悶腌臢悶。甚時斷。懣煎病懣煎病。甚日醫療。又不敢對着人。明明道。只落的夢斷魂勞。

### 尾聲

眠思夢想如花貌。這愁煩誰人知道。守着這一盞殘燈昏沉沉。坐到曉。

### 二郎神慢

從別後。正七夕穿針在畫樓。暮雨過紗窗涼已透。夕



陽影裏見一簇寒蟬衰柳。水綠蘋香人自愁。况  
鸞交鳳友。和得成就。真箇勝似腰纏跨鶴揚州。

么篇

風流。恩情怎比墻花路柳。記待月西廂和你携素手。  
爭奈話別匆匆。雨散雲收。一種相思分做兩處愁。鴈  
來時音書未有。和得成就。真箇勝似腰纏跨鶴揚州。

集賢賓

西風桂子香韻悠。奈虛度中秋。明月無情穿戶牖。聽  
寒蛩聲滿床頭。空房自守。暗數盡譙樓上更漏。和如

病酒。這滋味那人知否。

么篇

功名未遂姻緣未偶。共蹙一眉頭。惱亂春心卒未休。  
怕朱顏去也難留。把明珠暗投。不如意十常八九。和  
如病酒。這滋味那人知否。

黃鶯兒

霜降水痕收。迅塘池猶暮秋。滿城風雨還重九。白衣  
人送酒。烏紗帽戀頭。思憶那人應似黃花瘦。和怕登  
樓。雲山萬疊。遮不得許多愁。



陽影裏見一簇寒蟬衰柳。水綠蘋香人自愁。况輕拆  
鸞交鳳友。和得成就。真箇勝似腰纏跨鶴揚州。

么篇

風流恩情怎比墻花路柳。記待月西廂和你携素手。  
爭奈話別匆匆雨散雲收。一種相思分做兩處愁。鴈  
來時音書未有。和得成就。真箇勝似腰纏跨鶴揚州。

集賢賓

西風桂子香韻悠。奈虛度中秋。明月無情穿戶牖。聽  
寒蛩聲滿床頭。空房自守。暗數盡譙樓上更漏。和如

病酒。這滋味那人知否。

么篇

功名未遂姻緣未偶。共蹙一眉頭。惱亂春心卒未休。  
怕朱顏去也難留。把明珠暗投。不如意十常八九。和  
如病酒。這滋味那人知否。

黃鶯兒

霜降水痕收。迅塘池猶暮秋。滿城風雨還重九。白衣  
人送酒。烏紗帽戀頭。思憶那人應似黃花瘦。和怕登  
樓。雲山萬疊。遮不得許多愁。



么篇

惟酒可忘憂。這愁懷不帶酒。幾番血淚拋紅豆。相思未休。淒涼怎受。老天知道和天瘦。和怕登樓。雲山萬疊。遮不得許多愁。

猫兒墜

綠荷消索。無可蓋眠鷗。淺碧粼粼露遠洲。羈人無力。冷颼颼。和添愁。悄一似宋玉賦高唐對景傷秋。

么篇

一簇紅蓼。相應白蘋洲。傍水芙蓉兩岸秋。想他嬌艷。

倦凝眸。和添愁。悄一似宋玉賦高唐對景傷秋。

么篇

無情紅葉。偏向御溝流。詩句分明求配偶。此情亦與我心投。和添愁。悄一似宋玉賦高唐對景傷秋。

尾聲

一年好景還依舊。正橘綠橙黃時候。且把金樽開懷。斷送秋。

掛真兒

鸞凰同聘。尋思那時忒志誠。誰信今番心不定。頓將



詞林  
人來薄倖。可憐無限情。一似紙樣輕。把往事空思省。  
懶畫眉  
花開花卸。悶如醒。日遠日疎。冷似冰。眼前光景總淒  
情。漫水流花徑。庭院黃昏。門半扃。

掛梧桐

謾教人憶茂陵琴。調誰共聽。少箇知音。斗帳沉煙冷。  
孤眠最苦良宵永。這樣淒涼。如何教我捱到明。心腸  
總然如鐵硬。苦也思量。撲撲簌簌淚傾。

浣溪沙

誰慣經。害相思病。怨只怨。枕閑衾剩。兩三盃酒全無  
興。空教我十二闌杆。獨自凭心。耿耿。想起虛脾情耳  
邊言。那取真本蘭亭。

劉潑帽

對景對景無心詠。倦時聞枝上流鶯。如何喚得春愁  
醒。羞對畫屏。花間翡翠雙雙並。萬慮生。獨守着房櫳  
靜。

秋夜月

思餞行。思餞行。親把香醪贈。一曲琵琶陽關令。春山



上淚濕君曾搵。番成做盡餅。似銀瓶墜井。

東甌令

人何在。夢難成。水遠山遙不計程。雕鞍寶馬無踪影。他那里胡行徑。朱顏綠髮易凋零。無柰痛傷情。

金錢花

想起掩耳偷鈴。為你緘口如瓶。待君歸兮細評論。夫妻債。鴈同鳴。歡會事。鳳和鳴。

尾聲

金釵鈿盒重新整。翠被香溫叙舊情。鮫綃帶。縮重月

整。

香遍滿

因他消瘦。春來見花真箇羞。羞問花時還問柳。柳條嬌且柔。絲絲不縮愁。幾回暗點頭。似嗔我眉兒皺。

懶畫眉

無情歲月去如流。有限姻緣不到頭。懨懨鬼病幾時休。繡戶輕寒透。十二珠簾不上鉤。

梧桐樹

黃鶯似喚儔。紫燕如呼友。浪蝶狂蜂對對還尋偶。無



端故把人僂憇。一片身心如何教我得自由。梨花暮  
雨黃昏後。靜掩重門。只與燈兒厮守。

浣溪沙

我容貌嬌。他年紀幼。那時節兩意相投。琴心宛轉頻  
挑逗。詩謎包籠幾和酌。他去久。有些箇風聲兒未真  
實。見人須問箇因由。

劉潑帽

浪遊。那里青驄驟。向吳姬賣酒爐頭。烏絲醉寫。偎紅  
袖。厮逗遛。一霎兒全忘舊。

秋夜月

恩變做讐。頓忘了神前咒。耳畔盟言皆虛謬。將他作  
念他知否。他待要罷手。我何曾下口。

東甌令

難消悶。怎忘憂。抱得秦箏上翠樓。絃聲曲意都非舊。  
淚濕了春衫袖。青山疊疊水悠悠。何處問歸舟。

金蓮子

表記留。香綃半幅詩一首。做一箇香囊兒緊收。怕見  
那繡鴛鴦。一雙交頸睡沙頭。



尾聲

等待他來時候。薰香重暖舊衾裯。往事從頭一筆勾。

八聲甘州

眠思夢想。空使奴朝夕雙眉不展。和他恩愛。指望盡老團圓。誰知去後沒信息。又爭奈水遠山遙。途路長。冠不戴。懶掠粧。何時得見有情郎。花如錦。柳帶煙。玉樓人醉杏花天。

傍粧臺

杏花天。我只見佳人才子。蹴鞦韆。忽聽的鶯聲細。好教我悶難言。羞見蝴蝶舞。懶覩雙飛燕。尋思起。只告天。薄情一去不覺又經年。

八聲甘州

歎光陰迅速如箭。把奴家錯過了朱顏。沒情沒緒。沒撩亂。怎生消遣。粧臺懶傍。慵畫眉。針線箱兒懶去拈。肝腸斷。眼望穿。別郎容易見郎難。榴噴火。暑氣炎。龍舟駝鼓鬧喧天。

傍粧臺

鬧喧天。我只見輕搖紈扇。採蓮船。驚起鴛鴦睡。折散



並頭蓮鴛共鴛還一處。心上人何時見。尋思起。只告天。未知他在何處。難把信音傳。

八聲甘州

花箋寫幾行。要付與。不知他在何方。巫山雲雨。何日再得成雙。孤幃展轉。難捱到曉。端的是寂寞偏嫌。更漏長。朦朧睡。畧見郎。又被風吹鐵馬響。玎璫。金風動。葉漸黃。又還新酒菊花香。

傍粧臺

菊花天。總有香橙紫蠟。獨自一箇怎排筵。忽聽的賓鴻叫。聞砧杵。搗聲喧。忽聽的蛩哀砌。心上人何時見。尋思起。只告天。夢魂無路到君邊。

解三醒

恨奴家命衰時蹇。致令的被人拋閃。藍橋路阻無由見。這音書仗托誰傳。料應他只在秋江山。猶恐怕落在誰家。桃杏園無由見。重會面。菱花擊破甚時圓。粧臺傍。鴛鴦被寒。蘆花飛下九重天。

傍粧臺

九重天。似這般衾寒枕冷。獨自箇怎生眠。喟一口長



吁氣止不住淚漣漣。難捱更漏永。把往事思量遍。尋思起。只告天。未知何日稱心間。

尾聲

對蒼天。頻作念。何時重會效鷓鴣。免使求神去卜籤。

侍香金重

瑞氣滿

皇都香霧籠仙院。幸喜遇時良景妍。則這臣庶每協心。治道宣。攝伏的四海安然。獻嘉禾瑞麥相連。遍寰宇。謳歌大有年。臣士意虔。百司攸勸。正仁敷化洽樂無邊。

傳言玉女

青鸞降簡壽星光顯。金母瑤池專祈駐輦。慶長生。聖壽綿遠。見羽駕盤旋。洞府羣真降軒冕。咸稱道仙聖。夙昔有仙緣。因此上口訣親傳。丹臺玉室姓名銓。曉夜家持念無移轉。見如今自修。見如今自修。功滿三千。白雪黃芽寶爐鍛鍊。

月裏嫦娥

聚頂朝元保的箇靈妙真全。閑騎瑞鶴遊閬苑。恁悠悠。悠久住人間。遙天夜深月正團。見如今駐了朱顏不。



足羨彭錢道。遙自在。一任教滄海桑田。

尾聲

乘鸞跨鳳。蟠桃宴。又感得河清海宴。拜禮存誠。答謝天。

字字錦

東風二月天。天花放春光滿。黃鸝弄巧音。喚起遊春怨。出郊苑。寶馬香車。香車過。蕩破柳堤翠煙。天天賞心樂事。正當少年。偏宜少年。少年人眷戀。拚沉醉飲如泉。拚沉醉飲如泉。喜喜風和霧斂。看他那里。遊蜂幾箇飛飛舞舞。咱這里便三三五五。來來往往。是處韶華看遍。

滿園春

雙蝴蝶影翩翩。穿芳徑。動人憐。落花數片飄紅雨。輕風擗。輕風擗。飛墜繡衣前。如粧點。似幽然。如粧點。似幽然。和喜樂人也。天快樂人也。天美景良時。鸞簫鳳管。正好向此處留連。

么篇

亭臺上從新設宴。芳菲萬花鮮研。捧勸玉盃斟香醞。



錦屏障錦屏障映紅生光炫。醉歡賞五雲邊。和喜樂  
人也天。快樂人也天。美景良時。鸞簫鳳管。正好向此  
處留連。

尾聲

黃昏月上歸庭院。庭院靜重焚香篆。謾鼓瑤琴尚未  
眠。

春雲怨

大火流西。碧天清似水。設香筵粉席。是則是梧桐零  
落。桂子方肥。赤龍南去。青鳥西歸。鵲橋圖高掛起。結

綵低垂。闌穿針使見識。宴會。瓜果金盤內。香醪滿泛  
玻璃。

三春柳

金風漸寒。玉露滴。喜今夜天上佳期。銀漢輝輝。新月  
移。綺羅叢歡宴會。齊圓備。擺珍饈佳釀。今宵偏趁宜。  
焚寶鼎排珠翠。慶賀共雙雙齊拜禮。

醉羅歌

清風裊裊鳴環珮。薄霧紛紛透羅衣。暢飲通宵不暫  
離。聽一派歌聲美。金尊拚倒。沉醉願歸。銀河斗轉。沉



醉願歸。人生會少多別離。昇平世。節令催。不圖歡樂  
是呆痴。

尾聲

賀吾

皇能治世。欣逢七夕正堪宜。國泰民安歲歲齊。

金索掛梧桐

人間物轉新。天外春何早。瑞氣氤氳漸覺寒。威少。五  
中栢葉香。枝上梅花萼。暖入郊墟解凍東。風嫋。家家  
慶賞堪歡笑。

東甌令

排佳宴列笙簫。四海謳歌賀

聖朝。風調雨順民安樂。樂動着昇平調。椒花頌祝飲香  
醪。戶戶喜豐饒。

針線箱

寶爐中香靄飄。飄擺瓊姬列艷嬌。銀旛彩勝高高挑。  
歌金縷品鸞簫。錦瑟銀箏相間多奇妙。端的是一曲  
陽春聲漸高。屠酥酒人人滿泛莫辭勞。

解三醒



錦重重勝如蓬島。畫堂中輝煌絳蠟燒。鬧垓垓滿街  
兢看竹聲爆。盡茶壘盡換新桃。試看碧天靄靄祥光  
罩。端的是萬里歡聲徹上霄。黎民道感吾  
皇聖德過似唐堯。

尾聲

趁青春宜年少。逢時對景且逍遙。願此風光直到老。

好事近

亞歲喜迎長。魯觀書雲占祥。梅傳春信。一氣靄然生  
陽。灰飛律管。應黃鐘已覺水堅壯。覩長空柳絮飛揚。

颺兆應歲時豐穰。

錦纏道

喚梅香。下檀簾忙開畫堂。擺宴出紅粧。列嬌娘停聲  
待拍唱着新腔。皓齒歌音清韻響。翠袖舞體態悠揚。  
獸炭旋燒羊。香醪美酒。金盃間玉觴。縱有江湖量。拚  
教沉醉何妨。

普天樂

雪花飄。梅花放。對此景宜歡暢。圍爐坐別是風光。推  
窻看漸覺非常。堪宜宴賞。幸值豐年放懷樂意徜徉。



尾聲

佳辰四海咸瞻仰。共樂雍熙謝上蒼。萬載千秋賀  
聖皇。

夜行船

天上佳期喜人間。令節幸逢七夕。羅幃裏。仕女佳人  
相携。偏宜瓜果。盃盤歡然。乞巧亭臺。嬉戲羅綺。排列  
着九華燈。燦燦滿天光輝。

夜行船

咫尺翠遶珠圍。覩遙天初現彩霞靈跡。高樓上拜月  
瞻星。齊跪依稀。絃管聲催。開看小盒蛛絲。稀密同喜。  
今夜箇感天孫。金梭偶然飛墜。

鬪寶蟾

西池青鳥雙飛。見銀河烏鵲造成橋矣。渡牽牛織女  
今宵相會。佳時名香裊翠爐。瓊漿泛玉盃。且休推。但  
得開懷歡笑。拚教沉醉。

鬪寶蟾

拜禮。百子樓前。設華筵歡慶。綵絲相繫。美甘甘密擺  
珍饈佳味。稀奇葡萄顆最甜。鷄頭子正肥。列嬌質弄



學傳盃同樂果然無比。

錦衣香

月漸低。金風細。斗漸移。浮雲退。聽得是處樓臺笙歌聲沸。家家扶得醉人歸。驚心物候歲月如馳。遇花朝月夕。喜孜孜賞翫雍熙。趁此春光媚。展放愁眉。青春去時如同遊水。

漿水令

任山城銅壺漏滴。聽譙樓曉角漸吹。從教皓月影沉西。新涼夜深已透羅衣。銀臺上燈焰煤。看看絳蠟殘。

光細。各分散。各分散。相別未已。休停滯。休停滯。入香閨。

尾聲

今宵乞巧多佳致。但願取年年如是。真箇是此景堪題。

攤破鴈過聲

萬里無雲爽氣清。喜遇良宵中秋節令。見家家樓臺交相慶。擺瓊筵列花燈。向畫閣絃管相迎。怡情設畫屏。覩銀蟾皎潔如懸鏡。今夜果然分外明。

風淘沙



耿耿水輪即漸昇。向前將盡欄凭。秋光已覺遙天冷。  
碾長空不暫停。嫦娥恨切怨他孤另。若金丸似銀盤  
皓色光瑩。團圓倒浸山河影。燦青霄照神京。

風淘沙

香靄氤氳焚翠鼎。歡賞處逢勝景。相奉承。相酌敬。酒  
高擎。珍饌擺山靈。筵間嬌小列娉婷。

一撮棹

風淅淅。那堪露冷冷。雲淡淡。猶然月澄澄。聽得譙樓  
上。夔夔的。又三更。沉醉後。何妨玉山傾。

尾聲

蒼梧墜。丹桂馨。且向瑤堦慢行。試聽寒蛩聲亂鳴。

山桃紅

夏初天氣晝永偏長。見乳燕語在雕梁上也。則這芰  
荷風裏。遍清香。佳景喜非常。又見藕花開。葵花綻。榴  
花放也。真箇是無比風光。看了這綠荷池端的是錦  
雲鄉。

下山虎

向涼亭水閣泛霞觴。擺列着珍饈味。玉壺蔗漿。啣兩



箇對景開懷。趁時宴賞。一任教雲間鳥兔忙。是咱心  
內想。漸覺薰風陣陣涼。猛可里凝眸望。翠雲似粧粧。  
點亭臺添秀爽。

山馬客

淺淺斟。低低唱。端的是趁此青春同此徜徉。嬌娘休  
得要放懷恣意。歌聲嘹亮。但只要解他曲意。曉他宮  
調。聽此奇腔。

蠻牌令

排佳宴在高堂。共携手入蘭房。繡衾諧雲雨。效鸞凰。  
鳳枕畔盟言細講。惟只願地久天長。風流况情意廣。  
但能勾百年歡笑。盡老成雙。

羅帳裏坐

幽雲帶雨。心勞意穰。憐香惜玉。志態踈狂。偎紅倚翠。  
情思悠揚。盟山誓海。告穹蒼。豈敢去輪調謊。

尾聲

歡娛不覺東方亮。撚指間。瑤天日上。只見花影重疊。  
看看的。照綠窻。

望吾鄉



膏雨初晴。園林景最清。嬌紅嫩綠如仙境。最宜花下  
閑遊賞。共携手同歡慶。鶯聲細。燕語輕。似奏着宜春  
令。

### 傍粧臺

勝蓬瀛。我則見那紛紛來往笑相迎。喜幸遇民安樂。  
遍四海賀昇平。見花底排食壘。捧佳釀相酌敬。敲象  
板吹鳳笙。樂奏着時新令。

### 解三醒

酒席間坐移花影。拚今宵玉山酩酊。觥籌交錯聲相  
應。勸金盃莫留停。樂矣風乎舞雩。更過如曲水流觴  
詩未成。持銀筯擊玉瓶。高和着天仙令。

### 調角兒序

醉歸來瑤堦暫行。見天邊玉兔東昇。喚了鬟忙開畫  
屏。設佳筵共樂幽情。點銀燈清光瑩。月華明碧天皎  
潔如懸鏡。歌金縷。搗玉箏。齊唱着合歡令。

### 尾聲

趁良時乘佳興。郎才女貌兩相應。月下星前說誓盟。

### 一封書



朔風動四野。凜冽寒威冷氣加。推窗看可誇。見江梅  
初破花。正好圍爐同宴飲。酒泛羊羔真味佳。觀園林  
亂歸鴉。雪霽雲開消玉馬。江村外。遙望他。竹籬茅舍  
兩三家。和紅爐畔。伊共咱。相斟相勸泛流霞。

### 皂羅袍

最喜江山如畫。見蒼松偃蹇翠竹交加。銷金帳底逞  
奢華。低低共說知心話。嗟陶學士。掃雪烹茶。爭如  
兜進滿斟玉笋。紛紛雪片迷鴛瓦。排侍女。列俊娃。纖纖  
玉手撥琵琶。和紅爐畔。伊共咱。相斟相勸泛流霞。

### 勝葫蘆

暗憶當年處士家。曾踏雪看梅花。端的是留得清名  
傳萬載。今來古往更有何人勝餘他。銀鋪地。粉填峽。  
過如一片玉無瑕。和紅爐畔。伊共咱。相斟相勸泛流  
霞。

### 樂安神

驪驢休跨。今朝雪凍灞橋滑。爭如畫閣共喧嘩。從教  
酒店添高價。但得盃中滿。一任蟹行沙。瑞應增禾稼。  
行新令。堪笑耍。語之不當也須罰。



尾聲

樂豐年多閑暇。淺斟低唱恣歡洽。快活逍遙受用殺。  
佳人捧玉盤

向池塘。廉纖細雨梅正黃。猛一陣藕花香。涼亭上共  
誰泛瓊漿。推窗看鴛鴦戲。並雙雙。好教人對景傷情  
自悲傷。思量起風流况。離愁暗忖量。山盟都是謊。即  
漸里成悒快。

月裏嫦娥

榴吐紅囊。見葵花向日爭光。蓮沼月臺無心去賞。感

離人越添惆悵。微風動來簷鈴鬪響。不覺的月轉迴  
廊。辜負了這好時光。相思誰慣。題起來雨淚千行。

尾聲

燒殘絳蠟銀臺上。寶鼎內香消飄颺。錦被重重閑半床。  
鶯啼序

梧桐一葉初凋。看西轉斗杓。夜長更漏迢迢。枉教人  
辜負了良宵。透朱簾金風蕩颭。映綠窻銀蟾光耀。怎  
捱到曉。不覺的月轉花稍。

集賢賓



朱顏可惜虛度了。况逢着暮景消條。目斷天涯雲縹緲。空教人對誰歡樂。花陰月皎。對此景越傷懷抱。深院靜悄。西風起露零多少。

### 黃鶯兒

寒蛩絮叨叨。聽砧聲音韻高。雨催壞壁苔花老。淒涼懊惱。離情怎熬。便休題我言秋夕。勝春朝。憶多嬌。誰家短笛。感離人越添憔悴。

### 琥珀貓兒

鏡鸞羞覩。臉容消瘦。淡蛾眉誰畫巧。帶圍寬褪。小蠻腰。

寂寥。滿階紅雨亂飛飄落。

### 尾聲

何時得見才郎貌。對蒼天焚香禱告。但願鸞凰一處交。

### 繡停針

四海豐登。佳節元宵賀太平。黎民樂業同歡慶。攝伏的萬國來庭。錦重重過如閨苑。高聳聳勝似蓬瀛。寶香細細焚金鼎。千門萬戶喜相迎。人人宴樂仙境。

### 祝英臺



曉風涼香霧冷。天外起蟾影。燈射夜光。千丈鰲山。靄靄瑞煙籠頂。齊整恍如一天星。球輝煌相映。錦堂排列清歌妙舞輕盈。

四般宜

嬌嬌滴滴擺芳卿。齊齊臻臻列娉婷。笙歌聲透耳滿都城。樓上下齊焚麝餅。庭內外高點銀燈。如懸鏡皓月明。家家歡宴皆拚酩酊。

上馬客

玳瑁筵開謾設畫屏。列珍饈美味水陸山靈。交相敬酒頻傾。細聽龍笛。聞鳳笙。瑤階暫行。看取遊人鬪爭。鬧垓垓闐闐貫滿鳳城。

憶多嬌

同伴等。莫暫停。遙觀社火藝業能。鮑老三教肩相並。每樣施呈。果然歡娛笑聲。

尾聲

佳人競把雕欄凭。見火樹銀花萬層。願歲歲年年長逢元夜景。

瓦盆兒



一從分散鸞儔鳳侶。痛傷情。悄無語。暗沉吟。我為他  
情牽。意惹病兒侵。不由的悶懨懨。愁慘慘。越難禁。却  
教我怨別離。一會家淚滿襟。嘆佳期。誤得人忒恁。每  
日家枉嗟咨。謾傷悲。空嗒窸。辜負了花月好光陰。

泣榴花

痴心。從別後。直盼到如今。鱗絕信。鴈無音。却教我絃  
歌臺館。倦登臨。竒花慵戴。美酒共誰斟。停歌罷飲。比  
嫦娥孤悶。爭此甚。身雖來。這晝錦。安居。心如在。廣寒  
拘禁。

泣顏回

尋思。猶怕夜深沉。難捱獨枕。怎捱孤衾。和愁強寢。夢  
難成。展轉寒威滲。透紗窻。皓月涓涓。翻翠幕。勁風凜  
凜。

喜漁燈

滿懷。別後離愁沁。有誰問審。度一夜。勝似十春。寂寞  
怎禁。怎禁。憔悴身軀損。多應是。減玉鬆金。相思看看  
病深。怎能勾。情人轉臨。

尾聲



詞林  
南曲  
合金鏡接玉簪。寶鼎焚香表志心。再講恩情海樣深。

山坡羊

我和你天地分姻緣配定。閃的我似秃爪龍無頭無  
尾。一枝花害的瘦損。不志誠。十月應小春。魚遊春水  
一去了無音信。實指望和你雙飛鴈。奮騰做拘馬軍。  
也是我前生。皆因是天不同。情人在那里戀八紅。

水紅花

斷么絕六好傷情。順不同。人和前定。都做了楚漢爭  
鋒。腰肢瘦錦裙鬆。似巫山十二峯也囉。

皂羅袍

多應是五星三命。閃的奴斜倚定圍屏。柔碎梅花一  
場空。雙龍入海無踪影。河圖十五。劈破蓮蓬。劍行十  
道。晝夜不停。蘇秦背劍皆前定。

皂羅袍

再把宣和牌論。榻子眼眇的通紅。指望金菊對芙蓉。  
二士悞入桃園洞。烏龍瞞眼。將咱啜哄。二十四氣偷  
花密蜂。羣鴉亂打孤飛鳳。

皂羅袍



到幾時天地交泰。雙飛鴈並無書來。賓鴻中彈兩分  
開。鴛鴦被里慊慊害。桃紅柳綠無心去採。踏梯望月。  
不見你來。幾時合着油瓶蓋。

調角兒序

孩兒十丟在一邊。碎米合懶做茶飯。佛頂珠常常的  
討籤。再休題五岳朝天。天念三說幾遍。物雙飛撒下  
拆脚鴈。大四對排說俺。梅稍月上方纔顯。

尾聲

寒鵲爭梅幾千番。貪花不滿三十三。負心的王魁做

了火煉丹。

春雲怨

鴈杳音稀。守香閨空倚。知自知。題起來教人悽慘淚  
淋漓。分鴛鴦折散鶯期。撲簌的銀瓶墜矣。知他是何  
年甚日回。眼巴巴盼伊。自思不能勾回歡會。尋思半  
晌如痴。

三春柳

光陰迅速如箭疾。艷陽景良奇。記賞明園桃杏李。柰  
薄情無信息。分鸞配。頓忘了携手雙雙羅帳裏。不由



人傷春意最苦。最苦今宵獨自共誰。

醉羅歌

今宵有夢難尋覓。翠被生寒怎相偎。暗想情人何處  
迷。一弄兒傷心碎。衾寒枕冷。才郎怎知。孤眠獨自離。  
恨訴誰。情人一去無消息。終朝望。愁鎖眉。則落的一  
聲長吁氣。

尾聲

你無情怎下的。把姻緣簿扯珠淚垂。再和你相逢一  
夢裏。

梧桐樹

深深繡幕遮。簇簇銀屏列。四壁攆瑜。遍地重裊藉。雕  
楹轉畫闌。詰曲通臺榭。獸炭紅爐翠鼎龍涎麝。一窩  
攬盡閑風月。

東甌令

殊幽致。不嬌奢。與太尉家風分外別。瓊酥旋點羊羔  
熱。那里省嚴威冽。美人付耳悄聲說。門外正飛雪。

大聖樂

把珠簾款款低揭。見彤雲迷四野。初疑暮雨梨花卸。



又交舞玉蝴蝶。我這裏銀鬕慢撚吟肩起。自把寒梅帶笑折。呼童命妾。把金樽謾倒。綺席重設。

解三醒

剛纔聽鳳笙吹徹。早象板銀箏又打迭。行雲繚繞歌喉咽。正纏頭舞錦橫斜。我則見香風滿座飄蘭麝。更那堪翠袖金釵掩映者。誰曾問燭花銷鳳盃影。吞蛇。

餘音

太平年歡娛夜。主豪賓勝兩奇絕。金谷梁園也讓此。

侍香金童

黃菊綻東籬。不覺秋來到。陣陣金風漸高。鴻雁傳書途路遙。過庭軒桂子香飄。夜迢迢。夢斷魂消。一夜淒涼。只到曉。才郎更小。我今年少。撲簌簌淚濕鮫綃。

傳言玉女

蟾光正皎。孤燈殘了。信杳音稀。離多會少。對神前誓盟不小。曾把好香燒。但願夫妻共諧老。將從前恩愛。雪湯澆。鏡生塵。許時不照。耳邊砧杵應相敲。急煎煎。惹起情懷惱。見梧桐葉凋。雨灑芭蕉。展轉思量越添焦躁。



月裏嫦娥

不由人耳似烟燒。面似湯澆。簷前聽得靈禽報曉。這相逢想是今朝。言他未絕嗟聲未了。忽聽的繫馬聲嘶。出香閨看是鳳鸞交歡。顏相笑想當初戲語相調。

尾聲

今朝喜得情人到。訴盡從前懷抱。且把離情一筆銷。

春雲怨

玉宇澄清。畫堂耀彩。知音到來。看了他銀屏重設。繡榻重排。更那堪玳瑁重開。解黃封擘紫蟹。簇擁着兩

兩金釵。動仙音品節。諧美哉。端的是極樂界。教人對景忘懷。

三春柳

秋清露冷節序改。更清幽闕闕亭宅。錦瑟瑤箏件件擺。似天宮塵世隔。金爐內。蕤沉檀麝腦香煙散五彩。噴瑞靄蟠雲蓋。則見菊蕊飄香光搖座側。

醉羅歌

看了他殊芳異品呈嬌態。疊翠堆瓊照庭堦。玉露金風結朋儕。秋盡還空耐。相袍紅暈。鶯毛雪白。水仙粧



艷。雀舌膩色。老僧衣密褐。偏竒恠。蜂休戀。蝶莫採。凌  
霜節操許誰猜。

餘音

點秋容真堪愛。揮毫品藻愧凡才。寄與花神休見責。

鴈冲天

落紅滿徑。暗憶東風太狠。恨只恨他不管離人傷春  
恨。非干是我怨春。春光太惱人。今春不覺前春恨。自  
入春來。我便只思量着那箇人。無音無信。想他負我  
心。知他是念我恩。淚溼溼。要相見時。南柯夢中。

羅江怨

釵留半股金。香羅帕兒新。物在那人不見影。悶來低  
按小銀箏也。聲聲調怨。絃絃訴情。終朝悶懷。停繡針。  
所事無成。只落的添愁悶。我這頭兒常恁疼。心兒裏  
常帶驚。莫不做了相思病。

梧葉兒

看了他這花容月貌。萬種妖嬈。百媚更千嬌。我和你  
在庭前歡笑。慶良宵。賞翫今朝。只恐怕韶華易老。

尾聲



簷前鐵馬玎璫鬧。誰想道把奴驚覺。倒枕垂床直到曉。

梧桐樹

漫漫瑞雪鋪密密。彤雲布。兩兩漁簑粧點江山暮。慙無謝女才。空想梁園賦。學弄梅粧。又恐天孫妬。無言半晌深扃戶。

罵玉郎

白鷗皓鶴失鮮素。雲鬢變雪模糊。攔截遊子歸來路。平埋了折柳亭。橫遮斷嘶馬橋。緊凍合停橈渡。

東甌令

思前事。想當初。有箇人兒對擁爐。雲屏霧陣重重護。却易把流年度。如今人去影兒孤。教我怎支吾。

感皇恩

呀。這些時香盡金爐。水冷冰壺。空閉了繡羅幃。闌珊了金蹀躞。零落了錦流蘇。愁腸曲折。夢警胡突。想着千般呪。百歲盟。半星無。

浣溪沙

風月招姻緣簿。到如今一筆皆塗。痴心倩女成耽誤。



薄倖相如下狠毒。心正苦。見兩箇飛禽惱人情也來。  
相喚相呼。

採茶歌

拈彩筆。手生疎。寫不就。雪蕉圖。把這病容愁臉細臨摹。  
寄到尊前君一覩。崔嵬不是舊規模。

餘音

晚來時。閑再撫。茫茫飛雪遍江湖。夫戍蕭關妾在吳。

泣榴花

佳期重會。約定在今宵。人靜悄。只見月兒高。來時休

把外門敲。輕輕的擺動花梢。見紗窗上影搖。那其間  
方知是我情郎到。何須用蝶使蜂媒。成就了鳳友鸞  
交。

么篇

誰知薄倖負良宵。房櫳靜。人寂寥。又被風聲竹影景  
消條。只落得夢斷魂勞。嘆離多會少。楚陽臺回首向  
關山杳。叮嚀語翠減香消。又爭柰路阻藍橋。

漁家傲

今宵別起銀缸照。知音少。思量起昨夜歡娛。今宵靜



言  
梢。怎知別後無音耗。鎮日裏縈牽懷抱。莫不是酒醉  
心顛倒。莫不是斯弄斯敲。莫不是別若閑花草。莫不  
是有上稍來無下稍。

二犯別銀燈

我為他臉兒慵粧。眉兒淡掃。我為他茶飯上無心神。  
鬼縹緲。我為他好事成煩惱。我為他枉惹心焦。無聊。  
這離情怎熬。悶懣殺潘安沈腰。

二犯漁家傲

頓忘了對星月燃香。和伊呪禱。頓忘了咱共吟嘲。頓  
忘了詩篇上寫滿鮫綃。頓忘了表記鞋兒小。頓忘了  
春衫是奴針線挑。頓忘了。把明香暗燒。頓忘了春羅  
上數點染紅桃。相思病這其間怎熬。連理債何日是  
了。却正是落花有意隨流水。恨無情流水淘淘。量度。  
恨緣薄命薄。把金錢暗卜知分曉。欲待要告天天又  
高。

尾聲

還相見怎恕饒。恨不的將他呪禱。見了他回心依舊  
和他好。



喜梧桐

佳辰值晚秋。黃花瘦。處處登高。又早重陽候。東籬畔  
有人。有人來送酒。塞鴈呀呀。過南樓。紅葉黃花。山色  
渾如繡。冷颼颼。風蕩起。波紋皺。

西河柳

景物幽。情意投。龍山賞翫飲與酬。戲馬臺前憶舊游。  
瓊漿捧玉甌。烏紗却戀頭。便做傷心競把茱萸嗅。颯  
颯西風吹敗柳。密匝匝。擺珍饈。聽一派仙音樂奏。

一封書

香橙嫩。旋剖喜。今朝九月九。同歡會。莫愁。蠲初肥酒  
正熟。正好傳盃同宴樂。迅速光陰不暫留。莫剛求。且  
忘憂。問取來年誰健否。

皂羅袍

隱隱江山依舊。把香醪。滿泛艷曲。低謳。眼前霜降水  
痕收。狂歌痛飲。休憊憊。纖纖玉手。銀箏款搗。長長彩  
箭。銅壺慢投。歸來拚取黃昏後。

尾聲

宴良宵。過白晝。盛年佳節可追遊。共樂天長和地久。



梁州小序

西園暮景南軒初夏。池塘青草鳴蛙。陌頭楊柳清陰。漸可藏鴉。無奈關情杜宇。惹恨鷓鴣。占定荼蘼架。又早芭蕉分綠上窻紗。閑看兒童捉柳花。和珠簾捲金鈎掛。恠無端一夜東風大。花撩亂絮交加。

梁州小序

瑤臺寂靜。朱闌幽雅。海榴新放紅霞。鴛鴦交頸。一雙暖睡晴沙。早是金針羞度。綵線慵拈。刺繡都停罷。忽見營巢燕子語窻紗。蝴蝶雙雙入採花。和珠簾捲金鈎掛。恠無端一夜東風大。花撩亂絮交加。

梁州小序

枕痕紅玉臉生霞。正日午香消金鴨。試臨風對景慢理琵琶。好是重煩素手。欲演新聲。舊曲難拋下。肯分黃梅細雨潤窻紗。少女風前爛熳花。和珠簾捲金鈎掛。恠無端一夜東風大。花撩亂絮交加。

梁州小序

對香奩脂粉羞搽。臨寶鑑蛾眉慵畫。病恹恹近日瘦損因他。為謝金籠鸚鵡。解語能言。薄倖題名罵。最憐



開遲芍藥近窻紗。落盡春風始見花。和珠簾捲金鈎  
掛。恠無端。一夜東風大。花擦亂絮交加。

節節高

蘭舟戲女娃。是誰家。湘裙掩映凌波襪。眉新畫。畫漿  
雙聲啞啞。青青荷葉無多大。藕絲先把情牽掛。翠羽  
飛來荷葉叢。玉盤歌側瓊珠瀉。

節節高

徐行傍水涯。扇羅遮。玉纖笑挽鮫綃帕。垂陽下。遣悶  
懷。消清暇。女郎相見渾驚訝。誰人可與知心話。翠羽

飛來荷葉叢。玉盤歌側瓊珠瀉。

餘音

想薄情難甘罷。笑拈梅子謾嗟呀。梅子榴酸淺齒牙。

錦庭樂

守香閨憶才郎。好教人。鬼勞夢穰。分鶯燕折鸞凰。怎  
知他私心將咱暗想。我這裏料應他殢別人共枕同  
床。我爲他把秋波相望。頓使我春心蕩漾。淚盈眸掩  
數行。深深拜月祝讚。

穹蒼。



錦庭樂

怨才郎。值炎天難禁日長。雙燕舞雕梁。夢初回時時  
念想。他那里倚偎紅共嬌娥寢睡偏長。我罵你箇喬  
才無樣。錦被裏交翻紅浪。笑吟吟飲玉漿。顛鸞倒鳳  
似戲水鴛鴦。

錦庭樂

盼才郎。遇新秋金風漸涼。鴉鵲噪南窗。怨西風梧葉  
兒漸黃。我這里念情人不回家兩淚千行。錦被堆堆  
閑放。報曉鷄聲三唱。說離愁暗感傷。才郎獨自無限

恹惶。

錦庭樂

念才郎。淡粉粉梅花噴香。雪模糊擁蘭堂。守紅爐羊  
羔玉漿。我這里翫瓊瑤舞梨花敗葉飛狂。鴈杳魚沉  
難忘。孤枕殘燈噴放。獸爐中靄串香。青鸞信杳對景  
淒涼。

尾聲

教人難捨多情況。風流可喜美才郎。何日相逢畫錦  
堂。



玉嬌枝

彤雲密布。剪鷺毛雪花亂舞。朔風凜冽穿窻戶。你心  
毒奴更受苦。爹娘行罵的奴恨毒。說來的話兒全不  
顧。把更兒從頭細數。把更兒從頭細數。

金字經

夜迢迢孤另另。冷清清更靜初。不寄平安一紙書。一  
紙書。腮邊流淚珠。不把我佳期顧。一更裏無限苦。

玉嬌枝

一更纔至。冷清清撇奴在帳裏。番來復去如何睡。我

思量有情的。去時節許了奴三五日。到如今閃的我  
無消息。枉交奴癡心等你。枉交奴癡心等你。

金字經

我癡心終日家等待你無信息。短嘆長吁俺自知。俺  
自知。閃的奴三不歸。到晚來如何睡。二更裏珠淚垂。

玉嬌枝

二更難過。討一覺頻頻的睡着。今宵夢里來似托。我  
思他他思我。去時節海棠花兒開了半朵。到如今樹  
葉兒皆零落。枉交奴癡心等他。枉交奴癡心等他。



金字經

我癡心終日家等待你何日是可。會少離多緣分薄。  
緣分薄。孤孤另另怎生奈何。好着我難存坐。三更裏  
睡夢兒多。

玉嬌枝

三更月上。好難捱。今宵夜長。燒殘的蠟燭銀臺上。淚  
珠兒三兩行。紅綾的被兒閑了半床。新挑的手帕兒  
在誰行放。瘦損了腰肢沈郎。瘦損了腰肢沈郎。

金字經

沈郎的腰肢瘦。每日家愁斷腸。盼望情人淚兩行。淚  
兩行。對菱花懶去粧。瘦損了嬌模樣。四更裏偏夜長。

玉嬌枝

四更如畫。枕邊前不覺的淚流。靈神廟里曾發咒。剪  
青絲兩下裏收。說來的話兒不應口。到如今閃的我  
似章臺柳。枉交人癡心等守。枉交人癡心等守。

金字經

我癡心終日家等待你何日是休。盼望情人空傍樓。  
空傍樓。想情人一筆勾。不由把雙眉皺。五更里珠淚



流。

玉嬌枝

五更鷄叫。看看的天色兒漸曉。欲待放聲恐怕傍人笑。一會家心內焦燒。香禱告神前表。負心的自有天知道。枉交奴痴心等着。

金字經

我痴心終日家等待你何日是了。簷外玎璫鐵馬敲。鐵馬敲攪的奴睡不着。一壁廂寒鴉噪。淒淒涼涼只到曉。

玉嬌枝

曉來梳洗。傍粧臺懶去畫眉。房簷前喜鵲喳喳的小。梅香來報喜。報道是有情人真箇歸。雙雙同入羅幃內。向前來奴家問你。

後庭花

我問你箇負心的你盡知。一去了半年来怎生無箇信息。我道你應舉求官去。誰想你串花街戀酒盃。我爲你受孤恓。在那里偎紅倚翠。我爲你病恹恹減了飲食。瘦伶仃消了玉體。捱清晨怕晚夕。一更里聽天



邊孤鴈飛。二更里寶爐中冷了篆灰。三更里銀臺上  
燈焰輝。四更里想情人。五更里醒來時不見  
你。曉來時珠淚垂。

柳葉兒

呀。空閑了鴛鴦錦被。寂寞了燕約鶯期。海神廟見放  
着傍州例。不由我心中氣。你盡知。負心的自有天知。

尾聲

流酥錦帳同歡會。錦被裏鴛鴦成對。永遠團圓直到  
底。



